



# საქართველოს პარლამენტი.

სტენოგრაფიული ანგარიში.



## 59 სსდოგა.

პარასკევი, ნოემბრის 8, 1918 წ. საღამო. ტფილისი. სასახლე.

თავმჯდომარეობს ნიკოლოზ ჩხეიძე.


მდივნობს საქართველოს პარლამენტის მდივნის ამხანაგი იოსებ აბაკელია პრეზიდენტში არის საქართველოს პარლამენტის მდივანი დ. ონიაშვილი კრება იწყება საღამოს 8 საათსა და 40 წუთზე.

თავმჯდომარე. კრება გახსნილი გახლავთ. სიტყვა ეკუთვნის პარლამენტის წევრს კედია სპირიდონს.

სპირიდონ კედია (ერ.-დემ.) პარლამენტის წევრნი!

ეს პირველი შემთხვევაა, როდესაც საქართველოს პოლიტიკურ წრეებში საქართველო-სომხეთის საკითხი დაისვა და ირჩევა. თუმცა ქართველ საზოგადოებას ამ საკითხისთვის იმ თავითვე უნდა მიექცია ჯეროვანი ყურადღება. თუმცა საქართველოს მესვეურთ სომხეთის საკითხი უნდა ყოველ მხრივ შეესწავლა და მოეხდინათ, რაც შეიძლება გულდამჯდარი, ცივი ანალიზი ქართველ-სომხეთა ურთიერთობისა, რათა გამოეცხებინათ ის მიზეზები, რომელნიც საქართველოს სომხებს აუცილებლად საქართველოს წინააღმდეგ ააჯანყებდნენ და შესაფერი სიფრთხილე დაეჭირათ, თუმცა საქართველოს მესვეურთ შპართებდათ ამ საკითხზე უდიდესი ყურადღების მიქცევა, — მაგრამ ჩვენ და სამსამწუხართთ ეს ასე არ იყო და დღეს ეს საკითხი ჩვენთვის გარკვეული არ არის; არც საქართველოს ხალხია გაფრთხილებული და არც მისი მესვეურნი და ჩვენი ქვეყანა სრულიად მოუმზადებელი დგას ამ საკითხის წინაშე. რა თქმა უნდა: ეს დიდი ნაკლია და დიდი, იქნებ საბედისწერო შეცდომა! მე მინდა მოგაგონოთ მთავრობის თავმჯდომარის სიტყვაში რომ ადგილი ჰქონდა, — ის გაოცება.

რა მოხდა, რომ ამ უკანასკნელ 2—3—ნ დღეში ეს ხალხი ჩვენს წინააღმდეგ აიქოჩრაო. მე ის კი არ მიკვირს, რომ ამ უკანასკნელ 4—ნ დღეს ეს ხალხი ჩვენს წინააღმდეგ აიქოჩრა, არამედ მე ის მიკვირს, რომ აქამდისინაც ვერ წარმოგვედგინა, რომ სომხობა ჩვენს წინააღმდეგ ადგებოდა. ის, რაც ამ უკანასკნელ 4—ნ დღის განმავლობაში ხდება. ბატონებო, არის აუცილებელი, ის არის ლოლიკური დასკვნა იმ ხანგრძლივი პროცესისა, იმ მოქმედებისა, რომელსაც საქართველოს საზღვრებში სომხები აწარმოებდნენ. ეს პროცესი კი ყველას თვალ წინ სრულიად აშკარად მიმდინარეობდა და ადვილი გასაგები იყო, რომ დღეს თუ ხვალ მაინც თავს იჩენდა სწორედ ის, რაც ასე აკვირვებს ბ-ნ მთავრობის თავმჯდომარეს. ამას აჩვენებდა ყველა, ვინც ჩვენს სტენოგრაფიულში იყო ჩახედული. ასე, რომ ეს მომზადებული და შექმნილია სინამდვილის აუცილებლობით, ამ ძირითადის ძალით, რომელიც სცვლიდა სომხის ცხოვრებას.





სომხის იდეას და სომხის განწყობილებას საქართველოსადმი. და აი, სწორედ ამ გარემოებამ, ამ ძირითადმა ძალამ ზედაპირულ მშვიდობიანობის საფუძველი შეარყია და ორი მეზობელი ხალხი ერთი მეორის წინააღმდეგ დასძრა. ამ ძირითად ძალას არავინ არ აქცევდა ყურადღებას. დღეს მაინც აუცილებელია გარეშე ყოველგვარი სანტიმენტებისა, ამ მოვლენას ანალიზი გაუკეთეთ და ქვეყანას დაეანახოთ მის წინააღმდეგ ამოძრავებული ძალა, რომ შემდეგ მას საპირდაპირო ღონისძიება შეევაგებოთ და ფესვიანად აღკვეთოთ მისი განმეორება. აქ, ერთი რიგის ორატორები ზედი-ზედ ხაზს უსვამდნენ თითქოს იმ გარემოებას, რომ ამ ამბებში დამნაშავე არც სომხის ხალხი იყოს, არც სომხეთი, არამედ მხოლოდ რამდენიმე უპასუხისმგებლო პირი, ძალიან-ძალიან ერთი პარტია რომელიც დაპირებულია თავის ხალხის ცხოვრებასაც, თვით ხალხსაც და რომელიც რაღაც მანქანებით ამ ხალხს მაინც მესვეურობს და მეთაურობს. თუ აქამდისინ, ბატონებო, სომეხთა საკითხი სრულიათ დასმული არ იყო საქართველოს საზოგადოებრივ აზროვნების წინაშე, დღეს, როდესაც უკვე დასმულია რეალური საფრთხის სახით, მის გაშუქებისა და გადაჭრის დროს უნდათ მეორე შეცდომა ჩაიდინონ. და მე მსურს თქვენი ყურადღება მივაქციო სწორედ ამ შეცდომას.

ჩვენ აქ საქმე გვაქვს არა მარტო რამდენიმე უპასუხისმგებლო პირთან, ჩვენ საქმე გვაქვს არა ერთ პარტიასთან, არა! ჩვენ საქმე გვაქვს ერთ მთლიან სომხურ ეროვნულ იდეასთან, რომელიც ამუშავებული და ამოძრავებულია საქართველოს წინააღმდეგ. ამ იდეამ მეტი სომხობა შეაიარაღა და ჩვენს წინააღმდეგ და არის. როდესაც ეს იდეა, სომხეთის იდეა—ცეცხლითა და მახვილით მოდის და მოიწევა საქართველოს წინააღმდეგ, როდესაც ეს იდეა—ძალა სცდილობს საქართველოს საზღვრები გადმოლაზოს, საქართველოს ტერიტორიას ერთი ნაწილი ჩამოაჭრას და მისაკუთროს, რათა საქართველოსაგან წართმეულ ტერიტორიაზე თავისი სახელმწიფოებრივი ცხოვრება გაშალოს, როდესაც ეს იდეა—ძალა სცდილობს ნელის, მაგრამ მტკიცე ნაბიჯით შიგ საქართველოს შუა გულშიაც შემოიჭრას და ხელი ტფილისს დაადოს, რომელიც ცენტრია მთელი საქართველოსი, როდესაც ეს იდეა ასეთნაირის გამანადგურებელის ზრახვებით მოიწევა,—და ეს განსაზღვრულია არა შემთხვევითი მოვლენით, არამედ სინამდვილის აუცილებლობით. მე თქვენ გეკითხებით: რა უნდა ქნას თავდასხმულ ერის,—საქართველოს მთლიანობის იდეამ, მისმა სუვერენობის იდეამ? შეიწყნაროს და შეითვისოს მისი მოპირდაპირე, მის გამანადგურებელი იდეა, თუ?! ეს სიცოცხლის ძირითადი კანონის წინააღმდეგია! და რა გინდ წინააღმდეგნიც ვიყოთ ომისა, რა გინდ წინააღმდეგნიც ვიყოთ სისხლის ღვრისა, ჩვენ არ შეგვიძლია ხმლით და მახვილით არ შევეგებოთ იმ იდეას და იმ ხალხს, რომელიც ჩვენ გვანადგურებს.

როდესაც საქართველოს ტერიტორიას ოსმალების ჯარი მოადგა და ხიფათში ჩავარდა საქართველოს მთლიანობა, საქართველოს სუვერენიტეტი, მაშინ ჩვენ, კაცთ-მოყვარენი, ადამიანის სისხლის ღვრას, რომ გავერბით, ძალიან კარგათ გავექანეთ მტრის ამოსახოცად. თვით ჩვენი ეხლანდელი მთავრობის თავმჯდომარე ბ-ნი ნოე ყორღანია „პატრონტაშებით“ შემოსარტყლული მიექანებოდა ბრძოლის ველზე და ყველას მოუწოდებდა მტრის ხოცვად და გასანადგურებლად. დიახ, ჩვენ ბატონი არ ვართ დედა-მიწისა და არც მარტონი ვართ ამ დედა-მიწაზე. და მშვიდობიანობის მოყვარენი ძალიანიც რომ ვიყვნეთ, სისხლის საღვრელად აღვიძრებით, როდესაც სხვა ხალხი, გამანადგურებელის იდეით ამოძრავებული, საკუთარი ისტორიის ძალით აბურთავებული



ჩვენს წინააღმდეგ გამოილაშქრებს. სიცოცხლის ინსტიქტის ძალა გვალაშქრებს თავდაცვისათვის.

ბატონებო, ის იდეა და პრინციპი დემოკრატიზმისა, რომელზედაც აქ მოგახსენეს, სრულიადაც ვერ აარიდებს კაცობრიობას ომსა და სისხლის ღვრას. როდესაც ერთი ერი თავის ფარგალში ენერგიით დაიტენება და გაივსება, როდესაც იგი ცხოვრების აუცილებელი კანონის ძალით გაიწვეს და თავის ენერგიის გაშლას შეუდგება, მაშინ, ბატონებო, მას ვერავითარი დემოკრატიზმის იდეა ვერ შეაყენებს, თუ არა მისივე მზგავსად შეიარაღებული მოპირდაპირე ენერგია, თუ არა მისივე მზგავსად დარაზმული ძალა. ძალა ძალამ უნდა შეაყენოს.

ამიტომ მთავრობა მართვა-გამგეობის ტენიკას და პოლიტიკურ, თავის ყოველდღიურ საქმიანობას სხვებთან დამოკიდებულების საქმეში, იმაზედ კი არ უნდა აშენებდეს, რომ ამა თუ იმ ერში არის სრულიად უმნიშვნელო ნაწილი მშვიდობიანობის მოყვარე, არამედ იმაზედ, თუ რანაირია ამ ერის მთელი სახელმწიფოებრივი, აქტიური ენერგიის მიმართულება. ეგ არის რეალური პოლიტიკა. მთავრობამ მხედველობიდან ერთ წუთსაც არ გაუშვას ის გარემოება, რომ მეორე ხალხის სახელმწიფოებრივი აზრი და მიზანი, მისთვის რამოდენიმეთ ყოველთვის გაუგებარი და დაფარულია, და რომ მან სწორედ ამისთვის თავისთავად, მთელი თავის ძალა და ენერგია, ყოველთვის მზათ უნდა იყოლოს შეიარაღებული, რომ მოულოდნელი თავდასხმის მსხვერპლი არ შეიქნეს.

ბატონებო, ჩვენ ვიცნობთ სომეხთა იდეას საქართველოს მიმართ. უნდა ისიც ვიცოდეთ, რომ შეუძლებელია უმტკივნელოდ მოხდეს ლიკვიდაცია სომეხთა პრეტენზიებისა საქართველოსზე. სომეხები თავიანთ პრესაში, თავიანთ სიტყვიერ გამოსვლებში, თავიანთ საგარეო პოლიტიკურ მოღვაწეობაში ებრძვიან საქართველოში და საქართველოს იდეას, სომეხები, საქართველოს თითქოს თავის თავად იპყრობდნენ. ყოველივე მტკაველი მიწა სომხის მიერ საქართველოში დაქერილი იყო იმდენივე ციხე-სიმაგრის აგება საქართველოს წინააღმდეგ. ყოველი ზედმეტი შემოსევა სომხის ერისა საქართველოში,--იყო იმავე დროს საქართველოს ტერიტორიის დაკარგვა, და ამავე დროს, საქართველოს ძლიერების შემცირება. საქართველოში სომეხთა ვაზრდა-გამზრავლება, სომეხთა ეკონომიური, კულტურული და პოლიტიკური ენერგიის გაშლა-გაფართოვება საქართველოს ტერიტორიაზე იყო იმავე დროს და eo ipso საქართველოს ეკონომიურ ძლიერების შესუსტება და ქართველ ხალხის თანდათან შეკუმშვა საქართველოს საზღვრებშივე. ამგვარად, ორი ეროვნული სხეული, რომელთა ჩამოსაჯდაკებლად საუკუნეებს ცალ-ცალკე უშუშავნიათ და რომელთა ძირითადი ატრიბუტები ერთმანეთისაგან განირჩევიან და შეურთიგებელნი არიან, დღეს შეგნებულად თავ-თავის ეროვნულ მიზნებისთვის მოქმედებენ საქართველოს საზღვრებში; აი ორ ამგვარ ძალის ერთად ერთ სივრცეზე მოთავსება--ყოვლად შეუძლებელია, სანამ ერთ-ერთი ხელს არ აიღებს თავის პოლიტიკურ-ეროვნულ ზრახვებზე. ერთის მხრით, აგრესიული ძალა, რომელიც წინ მოიწვეს ჩვენი ტერიტორიის დასაპყრობად და მეორეს მხრით, ძირეული ელემენტი,-- მკვიდრი ქართველობა თავის ქვეყანაში, თავის საზღვრებში, რომელიც თავის სამკვიდრებელს ვერ დასთმოს,--არ ამ ორ ძალის ერთად მოთავსება საქართველოს საზღვრებში, შეუძლებელია.

კიდევ მეტი, ბატონებო: სომეხები აქტიურად გამოდიან ჩვენ წინააღმდეგ. იბრძვიან ჩვენს წინააღმდეგ ყოველგვარის საშუალებით. სომხური პრესა, რომელიც ტფილისში გამოდის, თუ რომელსაც რუსეთსა და სხვა ქვეყნებში სცე-



მენ ქართველების წინააღმდეგ ილაშქრებს და ათასნაირ ცილსა გვწამებს. საქართველოს საზღვრებში სომხები უფრო შორს მიდიან ისინი არ კმაყოფილდებიან არც პრესით და არც იმ ფსიხოლოგიურის მდგომარეობით, რომელსაც ჰქვნიან პრესის საშუალებით. ისინი მოქმედებით სცდილობენ საქართველოს დარღვევას. ის ფაქტი, რომ საქართველოს ტერიტორიაზე რკინის გზის ხიდის აფეთქება მოაწყეს, ის ფაქტი, რომ სომხებმა თავისი შეიარაღებული ძალა საზღვრებზე მოგვაცენეს, ის ფაქტი, რომ შიგ ტფილისში ათასნაირი ორგანიზაციებია, რომელიც მხოლოდ მარჯვე დროს უყდის, რომ საქართველოს დამოუკიდებლობას ძირი გამოუთხაროს,— ყველა ეს ნათლად მოწმობს ბატონებო, თუ რამდენად შეურიგებელია და რა დიდი მტერია საქართველოსი ის სომხეთის იდეა, რომლის მეთაურებად და სულის ჩამდგმელად დღეს დაშნაკელები გამოდიან, ბატონებო, ჩვენ ვერ ვხედავთ დღეს სხვა იდეას, რომელსაც სომხის ერი შემოგერიბოს და რაიმე კეთილის მიზნით აღუძრას საქართველოს მიმართ. ვერ ვხედავთ სომხებში სხვას, ისეთ ვინმეს, ვინც გამოსთქვამდეს და გვამცნობდეს სომხის ერის კეთილ სურვილს საქართველოს მიმართ. ჩვენ ვერ ვხედავთ ისეთ ძალას სომხის ხალხში, რომელიც სომეხთა სახელმწიფოებრივ ორგანიზაციას და ენერჯიას აძლევდეს სხვა მიმართულებას, სხვა ორიენტაციას. თუ ასეთი სომხები არიან, ყოველ შემთხვევაში მათი ხმა დასმულია და ჩვენამდე არ აღწევს. დღეს ფაქტი ისაა, რომ სომხის ხალხი ამოდრავებულა საქართველოს წინააღმდეგ და ჩვენც ანგარიში მარტო ამას უნდა გაუწიოთ. ეს არის ერთადერთი სინამდვილე ერთადერთა ფაქტი. და მთელი ჩვენი ჰრისხანება და თავდაცვის ენერჯია უნდა იქნას იმისკენ მიმართული, რომ დაშნაკელების მიერ, სომხეთის ამხედრებამ საქართველოს წინააღმდეგ ჩვენთვის უვნებლად ჩაიაროს. ეს არის საქართველოს მთავრობისა და ყოველივე შეგნებულ მოქალაქის დღევანდელი ერთად ერთი დანიშნულება.

ასე მუშაობს სომხური იდეა საქართველოს დამოუკიდებლობისა, მის სუვერენობის დასამხობად. ბატონებო, ეს დეილი გასაგები არის. სომეხთა ბატონობა ამიერ-კავკასიაში საქართველოს დამოუკიდებლობით აღიკვეთიბა. მისი აღდგენაც საქართველოს დახობით მოხდება. ამიერ-კავკასიის მთლიანობა დაცული იყო, ვიდრე საქართველო შიგ იდგა და ამიერ-კავკასიას მეთაურობდა. ეს მთლიანობა დაირღვა, როგორც კი საქართველოს დამოუკიდებლობა გამოცხადდა. სომეხთა გაშლილობის ფარგალი შეიკუმშა. ამ დამოუკიდებლობის, საქართველოს აღდგენის წინანდელი status quo-ს დაბრუნება, დღეს ბატონებო, სომეხთა მეთაურების უდიდესი მიზანი და მისაღწევარია. და ყოველი საშუალება ამ მიზნისთვის არის გამოყენებული. ამას თვის ღრმა მიზნები აქვს. თქვენ კარგად იცით, რომ სომეხთა კომპაქტურ მოსახლეობას არ წარმოადგენს, რომ იგი გაბნეულია სხვა და სხვა ეოში, მისთვის ხელსაყრელია, რომ ამიერ-კავკასიის ხალხები კვლავ ერთმანეთში არეული დარჩეს. მაშინ სომხების მდგომარეობა კვლავინდებურად უბირატესობას დაუბრუნებს. ისინი შეეცდებიან, კვლავ ხელში ჩაივადონ ტფილისი ჩვენი დედა ქალაქი, რომელიც ცენტრია ამიერ-კავკასიისა და რომელიც ამიერ-კავკასიის ბელადობს, წარმოადგენს და მერე აქედან თავიანთ ბატონობას უფრო ადვილად განამტკიცებენ. მთელი მათი ცდა აქეთკენ არის მიმართული. მათი პრესაც ამის მავალითს ყოველ დღე გვაძლევს. ბატონებო, საქართველოს და სომხეთის დღევანდელი ვითარება და ურთიერთობა უბრალო ხუსტურის, ან პირადი განწყობილების საქმე არ ვახლავთ, ეგ არის ვიმეორებ, სინამდვილის ძალით წარმოშობილი ვითარება, რომლის გადაწყვეტა, მეტის მეტად ძნელია. ან ერთის მხრივ უნდა იყოს, ამ შემ-



თხვევაში, დათმობა, ან მეორის მხრივ და მე თქვენ გეკითხებით. ვინ დასთმოს საქართველოს, რომელიც თავის საზღვრებში სდგას და რჩება და რომელსაც არავის მ-მართ თავის დღეში აგრესიული მიზნები არ ჰქონია, რომელსაც თავის მეზობლების მიმართ, განსაკუთრებით, სომხების მიმართ, არასოდეს ბოროტად არ აღმოქმედებია და რომელსაც, პირიქით, თავის საზღვრებში მუდამ კეთილ-განწყობილება გამოუჩენია სამხობისადმი, მე თქვენ გეკითხებით—ამ საქართველოს განა შეუძლიან, თავდასხმელის როლში მყოფ საქართველოს, განა შეუძლიან, ხელი აიღოს თავის ტერიტორიაზე, რომელიც საფლავია წინაპართა და საქართველოს კულტურის აკვანი? მე თქვენ გეუბნებით, რომ არა! ეს წინააღმდეგია სიცოცხლის წესის! ერთ ერთ წინა სხდომაზე მთავრობის წარმომადგენელმა დიდის სიმტკიცით და გადაჭრით განაცხადა: მთელი ტფილისის გუბერნია საქართველოს ტერიტორია არისო, მისი უდავო ტერიტორიაო. დასამატებელი არაფერია. ამით ყველაფერი ითქვა; მთავრობის წარმომადგენელის ამ განცხადებას, მთელი დარბაზი, ყველა ფრაქცია მხურვალე ტაშით შეეგება (გაბაშვილი: მაგის შემდეგ ავად გახდა); მაშ-ნ ყველა ფრაქციამ განაცხადა, ეს პლატფორმა ყველას გვაერთიანებსო. დიახაც. ტფილისის გუბერნია უდავოდ საქართველოს ტერიტორიაა. და ვინც ამაში შემოგვედავება ის საქართველოს მტერია, და მას მტრულად უნდა დავუხედეთ, სულ ერთია, ვინც უნდა იყოს იგი,—სომეხი, თუ სხვა ვინმე. ჩვენ დათმობა არ შეგვიძლიან; ჩვენის ისტორიული უფლებით, სტრატეგიის, ეკონომიკის და სახელმწიფოს ინტერესის ძალით ჩვენ ჩაყენებული ვართ ისეთ მდგომარეობაში, რომ სისხლის უკანასკნელ წვეთამდე თარიღით ხელში უნდა დავიცვათ ჩვენი ერის მამა-პაპეული სამკვიდრებელი. დათმობას სომხობა უნდა დაადგეს. სომხობამ უნდა ხელი აიღოს მზაკრულ, დაპყრობით პრეტენზიებზე. ვიდრე სომხის იდეა საქართველოში მუშაობს და ვიდრე სომხობა ხელს არ აიღებს ამ იდეაზე, ვიდრე სომხობა არ მოშლის საქართველოს ტერიტორიაზე მიმართულ პრეტენზიას, მანამდისინ, ბატონებო, ქართველ-სომეხთა საკითხი გადაუჭრელი დარჩება. და ჩვენც უნდა მზად ვიყვნეთ ყოველ შემთხვევისთვის. დარწმუნებული ბრძანდებოდეთ, რომ როგორც კი აიწყდება ჩვენი მდგომარეობა ან შინ, ან გარედ და საქართველოს არსებობა გახდება საეჭვო,—მანამათვე სომეხები თავს წამოყოფენ და ჩვენ უნდა ველოდეთ ახალ-ახალ ხილების აფეთქებას და ტფილისში ამბოხების მოწყობას პირველი და უმთავრესი, პოლიტიკურს ცხოვრებაში, ის არის, რომ მუდამ ცოტა ეჭვის თვალთ უყურო და სრული ნდობა არ მისცე იმას, ვისაც შენთან საქმიანობა აქვს და სინამდვილით შექმნილი საბუთი, რომ შენს წინააღმდეგ ბრძოლა აწარმოოს, იმიტომაც, სანამ საქართველოს პოლიტიკას, ქართველ ხალხს, და საქართველოს მთავრობას არ მიეცემა სრული გარანტია იმისა, რომ სომხობა აბსოლიუტურად ხელს აიღებს საქართველოს ტერიტორიაზე და თავის პრეტენზიებს უკან წაიღებს—მანამ ჩვენი მორიგება—შეუძლებელია. დროებითი მიწყნარება საქმისა, ახალი ქარიშხლის მომამზადებელი იქნება მხოლოდ და თავს ნურავინ ნუ მოიტყუებს.

მაგრამ ასეთი გარანტიები შესაძლებელია კი, თუ დღევანდელი სინამდვილე დარჩა?!

თუ ჩვენ მხოლოდ იმას ვეცადეთ, თუ როგორის მოქარგულის ფრაზებით დავფაროთ ნამდვილი მიზეზები და სინამდვილე; თუ ჩვენ ყველაფერი მხოლოდ რამდენიმე უპასუხისმგებლო პირს მივაწეროთ და საძირკველი ქართველ სომეხთა უთანხმოებისა სააშკარაოზედ არ გამოვდეთ, საქართველოს დავლუპავთ და სომხებსაც სხვა გზის საძებნელად ვერ მოვმართავთ. არის ერთი გამოსავალი.



ერთი რადიკალური საშუალება. ჩვენმა შინაურმა სიმტკიცემ და სომეხთა პრეტენზიებისა და იდეისადმი ჩვენმა შეურიგებელმა წინააღმდეგობამ, როგორც საქართველოს სომეხობა, ისე დანარჩენი სომეხობაც ამ გამოსავალისკენ უნდა მიექცოს. თქვენ კარგათ მოგეხსენებათ, რომ ოსმალეთში სომეხეთი, როგორც ასეთი, აღარც კი დარჩა. და, ეს სწორედ ჩვენთვის სამწუხაროდ. ამას არ მალავს თვით ოსმალეთის მთავრობა. 1916 წელს თავის ოფიციალურს გამოცემაში ოსმალეთის მთავრობა ამბობს, მას შემდეგ, რაც სომეხებმა შინ აჯანყება გაგვიმართეს, ჩვენ იძულებულნი გავხდით სომეხები აგვეყარა, გავვეგზავნა—ვინ მესოპოტამიაში, ვინ სირიაში და ვინ კიდეც, ვინ იკის, სადაო. ამ საშინელს დროსა და პირობებში სომეხებმა თავიანთი ძირითადი ტერიტორია დაჰკარგეს, ან უკეთ, ამ ტერიტორიამ სომეხები დაჰკარგა და სომეხეთი უსომეხოდ დარჩა. აქეთ-იქეთ გაგზავნილი სომეხები ბევრი გასწყდა და აღიგვა, ბევრიც ამოჟლიტეს. დღეს ეს ადგილი თითქმის სრულიად ცარიელია. ასე რომ დღეს ძირეულ სომეხეთში სომხის მოსახლეობა ან სულ არ არის, ან თუ არის,—ძალიან თხლათ.

ჩვენ უაღრესად დაინტერესებული ვართ, რომ ოსმალეთმა სომხის ერი მოაწყოს, და რომ სომეხობამ კვლავ დაიჭიროს თავისი ცარიელი ადგილი, თავისი ძირითადი სამკვიდრებელი. ამ ადგილს უნდა დაუბრუნდეს ყველა ის სომეხობა, რომელიც გადმოსახლდა საქართველოში სხვა და სხვა დროსა და სხვა და სხვა პირობებში. აი ეს გადასახლება არის ერთად ერთი გზა, რომელიც ქართველ-სომეხთა უთანხმოების მიზეზს მოსპობს. ეს გადასახლება ამგვარივე მიზნებისთვის ნაცადია ბალკანეთსა და დასავლეთ ევროპის ზოგიერთ ქვეყნებში. ვიმეორებ, ეს არის ერთად ერთი საშუალება, რომელიც მართლაც და საფუძვლიანად და რადიკალურად გადასჭრის სომეხეთის საკითხს საქართველოში და გააქრობს იმ სომეხურ იდეას, რომელიც საქართველოს დამხობას და დაშლას ემსახურება. სომეხეთის ხელმძღვანელები, რომ გამოფიზღლებოდნენ და იმის მაგივრად, რომ საქართველოს დამთუჯიდებას ძირი უთხარონ შინ აჯანყება გაგვიმართონ, სომეხეთის ბედის მოწყობას ეცდებოდნენ ამ ერთად-ერთის შესაძლო გზით,—მაშინ მოისვენებს საქართველო და მთელი ამიერ-კავკასიაც და მოგებულ და რჩება თავით სომეხობაც. თუ ეს არ იქნა და სომეხები, რომელიც აქ მოსახლეობენ, აქვე დარჩნენ სამუდამოდ, მაშინ ყოველთვის მოსალოდნელი იქნება ამ საყალ-მაყალო მასალის აფეთქებაი და მაშინ ერთად-ერთი გარანტია ჩვენი მთლიანობის დასაცავად ჩვენს შინაურ სიმტკიცეში უნდა ვეძებოთ. ყოვლად შეუძლებელია მარტო სომხის კეთილ სურვილზე იყოს მიგდებული ჩვენი ტერიტორიული მთლიანობის ბედი, შეუძლებელია სომეხთა იდეის და ძალის გაბათილება საქართველოში თვით სომეხობის კეთილ გუნებით მოხდეს. ეს კი უნდა მოხდეს, და თუ მოხდა, ეს იქნება შედეგი ჩვენი შინაური სიმტკიცისა და ღრა სომხის ერის, სომხის ხალხის თავისუფალი სურვილის ნაყოფი. ამიტომ მუდამ შინაურ სიმტკიცისათვის უნდა ვზრუნავდეთ, მუდამ თვალი უნდა გვეჭიროს ფხიზლად. ყოველთვის მზად უნდა ვიყავით.

მარტო ამ გზით შეიძლება სომეხეთის საფროხის ჩაქრობა და აღკვეთა, როდესაც იგი თავს წამოყოფს ჩვენი ქვეყნის ყოველ დიდ გაქვივრების დროს. რაც შეეხება იმ განცხადებას, რომელიც ამ საკითხის შესახებ მთავრობამ უკვე მოახსენა პარლამენტს, უნდა ითქვას, რომ ეს განცხადება სრულიად დამაკმაყოფილებელი არის. სომეხეთის საკითხი, რომელიც დღეს არის დასმული, ჩვენი არსებობის სმუფუძველს ეხება. აქ საქიროა ერთი მთლიანი ფრონტის შექმნა. მთავრობის მიერ გადადგმულმა ნაბიჯმა უნდა აგვარიდოს ყოველგვარი



სახეფათო სიურპრიზები. მთავრობა დარწმუნებული უნდა იყოს, რომ ამგვარ პირობებში მასთან იქნება მთელი საქართველო, და რომ იგი მთელ თავის ძალასა და ენერჯიას მთავრობის სრულ განკარგულებაში გადასცემს. ასეთია პროგრამა ყოველი შეგნებული ქართველისა. დღევანდელი მომენტი ვანსაკუთრებული მომენტია, რომლის დიდი მნიშვნელობა მთავრობის თავმჯდომარემ ასეთის დარწმუნებით თქვენს წინ გადმოშალა. ასეთ მომენტში საჭიროა განსაკუთრებული სიკერპე და სიმკაცრე. ჩვენ უკვე დაჯარკვით საშუალება და შესაძლებლობა გიცხოვროთ ნორმალურის წესით, სომხების წყალობით. მაშინ როდესაც აქ ხდება გვიფთქებენ, იქ ჯარით თავს გვესხმიან, შინ ათასნაირ ინტრიგებს გვიწყობენ და აღვირ წახსნილ უდიერობით ათასგვარ ცილსა სწამებენ მთავრობასა და ქართველ ხალხს და ყოველგვარ საშუალებას ხმარობენ, რომ ჩვენს წინააღმდეგ ააღვლეონ სომხური მასსა, როდესაც მთელს ამიერკავკასიაში ათასგვარ ორგანიზაციებს, პრესას და ვაზნებებს სრულიად თავისუფლად ჩვენს სალანძღავთ აქებებენ და საქართველოს წინააღმდეგ ამხედრებენ, როდესაც ასე შეუბრალებლად გვებრძვიან,—ჩვენ არ შეგვიძლია თავაზიანობის და გაუბედაობის პოლიტიკა გავაბათ. ასეთ შემთხვევაში ყოველგვარი სანტიმენტები უნდა უკუ ვავადოთ. უნდა აღმოვიფხვრათ ის იმედები, თითქოს სომხის ეოის დემოკრატია ამ სომხური პოლიტიკის წინააღმდეგ იყოს და ამიტომაც შესაძლებელი იყოს მას მივიწოდოთ რომ მისდამი ერთნაირი ლობიერება გამოვიჩინოთ შინ თუ გარეთ. ეს შეცდომაა და ყოვლად შეუწყნარებელი. ვიოც ერთი სახელმწიფო მოღვაწე, ვერც ერთი პოლიტიკური პრაქტიკი მოღვაწე, ასეთ გზას ვერ დაადგება. ჩვენ კატეგორიულათ მოკითხოვთ, რომ ისეთს მომენტში, როდესაც საქართველოს მთლიანობას და დამოუკიდებლობას საფრთხე მოუვლინეს, მთავრობამ ამოსწუროს მთელის სიმკაცრით და სისასტიკით ყველა ის საშუალება, და ყველა ის ღონისძიება, რომელიც მას მოეპოება მტრების დასამარცხებლად. ეს აუცილებელია. და როდესაც მთავრობა ამ გზაზედ შესდგება, ის დაინახავს, რომ მთელი საქართველო მას გვერდში ამოუდგება. დღეს ქართველ კაცისთვის უჭვირფასეი მის სუვერენობისა არა არის—რა. და როდესაც ვინმე, ან რაიმე ძალა ამ სუვერენობის წინააღმდეგ გამოლაშქრებას, მაშინ დარწმუნებული უნდა ვიყოთ, თუ მთავრობა საჭირო სიმტიკით და სიმკაცრით იმოქმედებს,—რომ ეს ქართველი კაცი თავის სიცოცხლეს და ქონებას არ დაზოგავს, რომ ის გაამაგრებს მთავრობას და იბრძოლებს სამშობლოს თავისუფლებისა და დღევანდელი ათვის. ჩვენ მოვითხოვთ მთავრობისაგან ენერჯიას, სიმკაცრეს და სიმტიკეს ამ პირობით ჩვენ მასთან ვართ და მთელი საქართველოც მასთან იქნება.

**თავმჯდომარე.** სიტყვა ეკუთვნის პარლამენტის წევრს რევაზ გაბაშვილს.

**რევაზ გაბაშვილი.** (დამ. ერ. დემ.) ბატონებო, დღეს სწორე მოგახსენოთ დიდი უცნაური დღე არის. როდესაც მთავრობის თავმჯდომარე გამობრუნდა ამ ტრიბუნაზე და განაცხადა, რომ რაღაც ხდება ქალაქში, რაღად ხდება რესპუბლიკაში ამ 4—5 დღის განმავლობაში, რაც არ ყოფილაო, სწორე მოგახსენოთ, მე ძალიან გამიკვირდა. არა მარტო სამი-ოთხი დღის განმავლობაში, არა მარტო ოთხი თვის და წლის განმავლობაში, მე რაც ჩემი თავი მახსოვს სულ ესეთი ამბივი ხდება. ჩვენ, ბატონებო, კონტრ-რევოლუციონერებს გვეძახიან, შოვინისტებს (ალ. ლომთათიძე: მართალია!) დიხ, დიხ! მართალია, რომ გვეძახიან იმიტომ, რომ ჩვენ ვამბობდით ხუთი თვის წინად (ხმა: ერთი წლის წინ-



ნად) იმას, რასაც ამბობს დღეს ბატონი ლომთათიძე (ლომთათიძე: არაფერი მაგის მსგავსი) ერთი თვის წინად, რომ მე მეთქვა, მე ვიქნებოდი კონტრ რევოლუციონერი. ფაქტიურად კი რა მოხდა? არაფერი არ შეცვლილა. დაშნაკ-ცაკანები, რომლებიც თავის დაბადების ისტორიის დღიდან, რომელნიც მთელი ამ ომის და მთელი რევოლუციის განმავლობაში იქცეოდნენ მზაკვრულად და ისევე ავაზაკურად, როგორც დღეს და გუშინ, ამის შემდეგაც ასე მოიქცევიან. რასაკვირველია, პატივცემულ თავმჯდომარემ გვითხრა და მართლაც არის, რომ ნახტომი შეეშალათ; მაგრამ, ბატონებო, როდესაც მათ ამისთანა ნახტომე-მეტი არა შეუძლიანთ რა. რამდენჯერმე კიდევ გადახტებიან მოსტენენ კისერს ბის როგორც თავის ერს, ისე სხვას. მე ვშიშობ, რომ ამის იქითაც ყვირილი ბატონ ლომთათიძისა და ჯაჯანაშვილისა, რომელნიც დღე და დამ გაიძახოდნენ სოლიდარობასა და სომხებთან ძმობასა და ერთობაზე (ლომთათი-ძე: ეხლაც ვავაძახით!) დღეს, ბატონებო, სწორედ ის ხალხი, როდესაც ლაპა-რაკობდა ჩვენ წინაშე ასეთ სოლიდარობაზე და ძმობაზე, ისეთ უშველებლის ხმით ყვიროდა, რომ სწორე გითხრათ... (ალ. ლომთათიძე, შეგვეშინდათ არა?) მე რომ სოციალისტი ვყოფილიყავ, რასაკვირველია, შეემშინდობა, მაგრამ მე ეს არ მაშინებს, ბატონებო და საუბედუროდ არც იმათ შეემშინდებათ, ვის წი-ნააღმდეგაც იყო ეს ყვირილი მიმართული. იმიტომ, რომ მე არა მჯერა, რომ ამ ყვირილს მოჰყვეს რაიმე დიდი შედეგი.

ჩვენ გვაქვს ათასი საბუთი და ასეთი საბუთი დღეს კიდევ ერთხელ მოგვ-ცა ხელში მთავრობის თავმჯდომარემ, რომ ეს არის ცარიელი დეკლარაცია და ცარიელი ლაპარაკი, რომ მას არავითარი შედეგი არ მოჰყვება: ბატონმა თავ-მჯდომარემ გვითხრა, რომ დღეს რალაც ხდებაო, ეს არის ამ 4—5 დღეშიო. ნუ თუ ბატონ თავმჯდომარეს დაავიწყდა, რომ ამ 4—5 დღის განმავლობაში კი არა წინად ააფეთქეს ჩვენი ხიდი; ნუ თუ დაავიწყდა, რომ 4—5 დღის გან-მავლობაში კი არა, ამას წინათ ტფილისში სომხის ჯარის-კაცებმა დაატუსა-დეს ჩვენი ქართველი მოქალაქე, ნუ თუ მთავრობის თავმჯდომარემ დაივიწყა, რომ ამას წინად აღმოაჩინეს ათასი საწყობები, მოწყობილი დაშნაკცაკანების მიერ (ლომთათიძე: შესჭამეს სომხებმა. სიცილი). ბატონო ლომთათიძე თქვენ ძალიან კარგ გუნებაზე ბრძანდებით, განსაკუთრებით დღევანდელი თქვენი სი-ტყვის შემდეგ, მაგრამ არა მგონია, რომ მაინც და მაინც ასეთი სამხიარულო საგანი იყოს (ლომთათიძე: თქვენ, რომ გამოდიხართ მაშინ არის ასეთი სიმხიარ-რულე) მე ვშიშობ, რომ დღევანდელი გამოსვლა მთავრობის თავმჯდომარისა და სო-ციალისტებისა, ნამდვილი სახელმწიფოებრი თვალსაზრისით კი არააარის გამოწვე-ული, არამედ უბნალო გუნებისა, თუ შესაძლებელია ასე ითქვას. დღეს თავმჯდომა-რემ ისე უბრალოდა სთქვა, რომ მასთან მისულა დღეეგაცა იაგჯიანის სახითდაუდი-ერთა უყვირნია, უდიერად მოქცევიან. ამიტომ სოციალ-დემოკრატებს და ჩვენს მთავრობას ჰგონია, რომ რალაც უბედურება მოხდაო. მაგრამ როდესაც სწო-რედ ეს ბატონი იაგჯიანი ქალაქის თვითმართველრბაში ლაპარაკობდა, რომ სა-ქართველო არის ერთად ერთი ოაზისი, სადაც სომხის ლტოლვილებმა თავშე-საფარი იპოვნეს, მაშინ თავმჯდომარე და მისი ამხანაგები ტაშს უკრავდნენ. როდესაც აქ ბატონი, გვარი არ მახსოვს, (ხმა: დავითხანიანი.) დავითხანიანის სახით დაშნაკელები ამბობდენ, რომ პარლამენტში არიან შემოსულნი იმი-ტომ, რომ საქართველოსთვის იმუშაონ და იზრუნონ, მაშინ გახურებულ ტაშს უკრავენ, მემარცხენენი. (ლომთათიძე. ესეც მართალია) დღეს კი რა მოხ-და, რომ დღეს ისევე მემარცხენე ნაწილი ტაშს უკრავს ლომთათიძეს,—რომე-ლიც დაშნაკუთითუნის წინააღმდეგ ლაპარაკობს. ეს მხოლოდ იმის მაჩვენებ-





ლი, რომ ჩვენმა სოციალისტებმა დიდი ყვირილი იციან, მაგრამ როდესაც საქმე საქმეზე მიდგება, არაფრის გაკეთება არ შეუძლიანთ. და რომ არ შეუძლიანთ, ამის შესაფერი ისი ფაქტები ჩვენ ხელთა გვაქვს. მეტი რა ჩამოვთვალთ იმ ფაქტებზე, რომელიც იყო მოთავსებული გაზეთ „ერთობაში“, რომ სომხეთში გაგზავნილი იყო მატარებელი იარაღით და ჯარის-კაცებით. აი ამ უბრალო ცნობის გარდა, რომელიც მოთავსებული იყო გაზეთში, ჩვენ გვაქვს ცნობები, რომ გაგზავნილი იყო მატარებელით არა მარტო ჯარის-კაცებით, არამედ სურსათით და აუარებელი იარაღით იმ ქვეყანაში, რომელიც ომს გვიცხადებს და რომლის წარმომადგენლები აქ შინაურ ამბოხებას გვიმზადებენ; ბრძანება იყო მთავრობისა, რომ ეს ჯარი გატარებულყო და უბრალო ჯარისკაცებმა არ გაატარეს.

და მე მჯერა, როდესაც ბატონი თავმჯდომარე ბრძანებს, რომ ჩვენ არაფერი წინააღმდეგი არა გვაქვს, რომ სომხის ლტოლვილები დავასახლოთო, მაგრამ გლენჯაკები წინააღმდეგნი არიანო. მე ეს მჯერა, რადგან ქართველი ერი გლენჯაკი უფრო ჯანსაღი და შორს მქვრეტელია, ვიდრე სოციალდემოკრატები და ჩვენა მთავრობა (ვეშაპელი. მართალია). მთავრობა შეიძლება სხვანაირად უყურებდეს ამ საქმეს, ვიდრე გლენჯაკი და ჯარისკაცი, მაგრამ გლენჯაკი და ჯარისკაცი არ დაუშვებს ამისთანა უდიერობას.

თქვენ ნუ გაგიწყნებთათ ის მდგომარეობა, რომ სომხის ხელმძღვანელმა პარტიამ, რომელიც უდგა სათავეში არსებულ, თქვენგან მოგონილ დემოკრატის, დაზნაკუტუხნმა ზურგი გაიმაგრა თქვენგან.

ირაკლი წერეთელი არ იყო, რომ გულუხვად გაუბოძა სომხის დაზნაკელებს 80 მილიონი მანეთი? (ალ. ლომთათიძე: ირაკლი წერეთელი კი არა, მთელი ფრაქცია იყო). ირაკლი წერეთელი არ იყო, რომ გვიმტკიცებდა,—თუ 80 მილ. ბონი სომხებს არ მივეცით, სისინს ასტეხავენო? განა ჩვენ არ ვამბობდით რომ ეს 80 მილიონი კი არ გააჩქმებს, უფრო აახმაურებსო? განა დღეს რომ თავმჯდომარე ამბობდა დღევანდელმა პროვოკაციამ ძალიან გააკვირვა, 80 მილიონიდან ცოტა მოახმარეს ამ პროვოკაციის მოწყობას თქვენს წინააღმდეგ? (ვეშაპელი: მართალია) ბატონებო, განსხვავება თქვენსა და ჩვენს შორის იმაშია, რომ როდესაც თქვენ აი აქ, ტრიბუნაზე და სხვაგანაც რაშიმე დარწმუნდებით (მე მგონია, რომ ეხლა კი დარწმუნდით და ამაზე აშკარად ლაპარაკობთ) შედეგს აღარ მოაყოლებთ ხოლმე. ამაში თქვენ ლოლიკაც უნდა გახლდეთ. როდესაც აშკარად ბრძანებთ, რომ მემარჯვენენი არიან თქვენი მოლაპატენი და როდესაც ირაკლი წერეთელი იძახის, რომ აი ეს დაზნაკელები არიან დემოკრატის წარმომადგენელი და ჩვენი მეგობრებიო... (ალ. ლომთათიძე: ეს არ უთქვამს). გაბაშვილი თავმჯდომარეს) ბატონო თავმჯდომარე სთხოვეთ ბატონ ლომთათიძეს, ნუ მიშლის (ზარი).

თუ ბატონებო, აქ მოგახსენებდნენ, რომ ეს მემარჯვენენი აქ მოლაპატენი არიანო და ესენი კი თქვენი მეგობრები არიანო,—რატომ გამოდინხართ აქ და ერთი კვირის და 2 კვირის შემდეგ მოლაპატენებად გამოგყავთ ეს პარტიოსანი დემოკრატია და თუ მოლაპატეთ გამოგყავთ და აღიარებთ, რომ ეს პარტია არის ხალხის მეთაური და წარმომადგენელი, ან რომ ისინი არიან უბრალო კერძო პირები ან უბრალო პროვოკატორები, რომელსაც არ მისდევს სომხის ერი, სომხის დემოკრატია, მაშინ ამ პროვოკატორებზე და კერძო პირებზე მაინც უნდა მივიღოთ ის ზომები, რა ზომებიც მისაღებია, (ხმა: მაგალითად). ყომ თქვენი სიტყვა არ დარჩეს ჰაერში ჩამოკიდებული, როგორც სულ ყოველთვის.



ბატონებო, განა თქვენ არ იყავით, როდესაც ანალოგიური შეკითხვები შემოვიტანეთ, რომ ბრძანეთ, ეს არის კონტრ-რევოლუციო, რომ ეს არის ალაგმვა პრესისა, ალაგმვა პრესის თავისუფლებისა? განა თქვენ არ იყავით, რომ თავზე კაკალს გვაშტრეფდით, როდესაც ჩვენ გავბედეთ უცხოთა პრესის წინააღმდეგ ლაპარაკი?

თქვენ კი გამოდინართ წარმომადგენელნი სოციალ-დემოკრატიისა და იმავე სიტყვებით იმეორებთი მას, რაც ჩვენ ორი კვირის წინად ვსთქვიოთ. მე მაკვირვებს, თუ სულ დაკარგეთ ლოლიკის კანონის ძალა, სირცხვილი მაინც არ უნდა დაგეკარგოთ და ორი კვირის შემდეგ არ უნდა სთქვათ ის, რასაც ორი კვირის წინა ჰგმობდით და სამარცხვინო ბოძზე აკრავდით.

თქვენმა ასეთმა აგიტაციამ, თქვენმა ასეთმა მოქმედებამ ბევრს, შეიძლება, გულწრფელ ადამიანსაც, შეაცვლევინოს აზრი. დღეს დილით, როდესაც მე ლომთათიძეს და სხვებს უსმენდი და ვფიქრობდი, იქნებ მართალს ამბობს, მე ერთ წუთს გავფიქრე კიდევ: იქნება დრო დადგა, რომ ჩვენც გავსოციალისტდეთ. მაგრამ, როდესაც მე ვიფიქრე, რომ გამოცდილება გვიჩვენებს, რომ ეს მარტო ლაპარაკია და ამას საქმე არ მოჰყვება,—მაშინ ვიფიქრე და ვსთქვი: არა ეს ყოვლად შეუძლებელია. და თურმე აქ, ჩვენს ეროვნულ პარლამენტში ყოფილან ისეთი პარტები, რომლებზედაც, არ ვიცი, როგორ ვსთქვა, რომ არ ვაწყეინო სოციალ-დემოკრატებს), ასეთი ყალბი ასეთი არაფერზე დამყარებული სიტყვები როგორღაც მოქმედებენ. მე მინდა მოვიყვანო სიტყვა ისეთ გულწრფელ ადამიანისა, როგორიც არის ივანე გომართელი.

მან ერთი კვირის წინ, როცა სომხებმა ომი გამოგვიცხადეს გვიხარა: ბატონებო, მე პოლიტიკანობა არ შემიძლიან, მე პირდაპირ გულწრფელად უნდა ვილაპარაკოვო. „როდესაც აქ ლაპარაკობენ: სომხის ხალხი, სომხის დემოკრატია, მე სრულიად არ მჯერა იმიტომ, რომ ისინი არიან დაშნაკცაკანელები და დაშნაკცაკანელებს ჩვენ უნდა ვებრძოლოთ სისხლის უქანასკნელ წვეთამდე“. დღეს კი იმავე ივანე გომართელმა, ალბად შეცდომით, ალბად შეცდომაში შეიყვანეს სოციალ-დემოკრატებმა, დღეს მან სთქვა, პირდაპირ სთქვა, რომ სომხის ერი, სომხის დემოკრატია საღდაც არსებობს და იმასთან მუდმივი კავშირი და მეგობრობა გვაქვს, და თუ ვინმე არის მოსკოლავი, გასაუღეტი ისენი არიან ეს უბედური დაშნაკელებო. აი, ბატონებო, თქვენი სიყალბით როგორ არივდარიეთ ყველა ცნებანი და შეჰქმენით ისეთი მდგომარეობა, რომ აი ეს ერთად ერთი გულწრფელი სოციალ-დემოკრატიც შეცდომაში შეიყვანეთ, და დაუსახეთ ხალხს, ისეთი მდგომარეობა, რომ სომხის დემოკრატია კი არ გვებრძვის, ჩვენ გვებრძვის მხოლოდ ისეთი გადაგვარებული დაშნაკცაკანები, რომელთაც თავისი სამშობლო ენაც არ იციან. ეს ბატონებო, სიყალბე არის, ეს არის თვალების ახვევა, თავის დაბრმავება, რომ ვსთქვათ: ტფილისში არის 20—30 დაშნაკცაკანი, ისეთი თავზე ხელ-აღებულნი, რომ თავის ხალხიც დალუპეს და საქართველოსაც დალუპეს უქადიან. მაგრამ, ხომ არ შეგვიძლიან დავიჯეროთ, რომ 20—30 და თუნდაც 1000 მა დაშნაკცაკანმა და მათმა ორგანომ, მათმა გახეთმა ოსმალების სომხების მთელი სოფლები და ოსმალებიც დალუპა. ამისთანა დაშნაკელი ყველა ნაპიჯზე გვხვდება, რომელნიც პროპაგანდას ეწვივან, რომელნიც სწორენ რუსულ გახეთებში, რომელთაც დალუპეს და და აწამეს ჩვენი საუკეთესო კუთხე აჭარა, რომელთაც მოგვიწყეს აჯანყება დუშეთში, შელაკლიჯში და სხვაგან. ნუ თუ ისეთი გულუბრყვილონი ხართ, რომ ვერაფერს ვერ ხედავთ, და ყველაფერს აბრალებთ კერძო პირებს. და ისე დაბრმავებული ხართ, გულუბრყვილონი, რომ ეს ასე წარმოგიდგენიათ.



ეს რაღაც შეუძლებელია. მე მგონია, რომ ეს „ტონკაია პოლიტიკა“ გახლავთ რუსები რომ ამბობენ. თქვენ გინდათ სომხის ერი, საქართველოს ერი და მთელი ქვეყანა შეცდომაში შეიყვანოთ. თქვენ გინდათ, რომ დაარწმუნოთ მთელი ქვეყანა და ნამეტნავად სომხის ხალხი, რომ ჩვენსა და სომხების შორის არაფერი წინააღმდეგობა არ არის, რომ ჩვენსა და იმათ შორის მართო დაშნაკელები არიან. იქნებ ეს „ტონკაია პოლიტიკა“, რომელსაც ჩვენ ვერ მივხვდით, მაგრამ ეს „ტონკაია პოლიტიკა“ იმდენად „ტონკაია არის, რომ სადმე გაწყდება და თუ გაწყდება, მაშინ ჩვენი დამოუკიდებლობა, რომელმაც თქვენ ვითომ ასე თავგამოდებით იცავთ, გათავდება და შესაძლოა ხვალ ტფილისში და ამ სასახლეში. გეყოლებათ ბატონებოთ ეს დაშნაკეცკანები, რომლებსაც თქვენ ეგრე გეშინიათ. მე მგონია, რომ როდესაც აქ სოციალისტური პარტიების წარმომადგენლები გამოდიან და ასე ხმა მალა, ასე თავ-აშვებული ყვირილით გმობენ ყოველივე პარტიას, ყოველივე მიმართულებას, რომელიც მოქმედობს. ეს არ არის იმისთანა საბუთი. არ არის ჭკვადამჯდარი მოვლენა, რომელსაც შეიძლება დაშნაკეცკანელებმა ანგარიში გაუწიონ.

თქვენ მოგეხსენებათ და თუ არ მოგეხსენებათ მე მოგახსენებთ, როდესაც ჩინელები, საშუალო საუკუნოებში საომრად ემზადებოდნენ, პირზე საშინელ მასკებს იკეთებდნენ, მტერი უნდა შევაშინოთო.

როდესაც მე ღრმთათიძეს და ჯაჯანაშვილს უყურებდი მაგონდებოდა ეს ჩინური მასკები. ამით უნდა შეაშინონ მტერი. როგორც გეხსომებათ, ბატონმა გიგეჭკორმა თავისი ჯარით და თავისი „ენტუზიაზმით“ ოსმალები შეაშინა. ჩვენ ვიცით, რომ ამ შიშს ის მოჰყვა, რომ ჩვენი საუკეთესო თვალი, ჩვენი გასახედი ეგროპაში მოგვხარეს და წაიღეს. მე ვშიშობ, რომ ამისთანა ყვირილს არავითარი მოქმედება, რეალური არ მოსდევს და რომ თვალს კი არა ამ ჩვენს თავსაც მოგეჭრიან და ტფილისსაც წაგვართმევენ.

მაგრამ, ბატონებო, ეს ყველაფერი კარგია ჩვენ ძალიან ბევრს ვლაპარაკობთ და ერთმანეთს ვარწმუნებთ, რომ ეს ერთსულოვნება არის მემარჯვენეთა და მემარცხენეთა შორის. განსაკუთრებულ ფაქტების, განსაკუთრებულ მოვლენათა მიმართ, რომ აქ ხდება საშინელი ლალატი, საშინელი პროვოკაცია შიგნიდან და გარედან. ჩვენი სახელმწიფო, მართლაც თითქოს ერთსულოვანი არის, მაგრამ მე მინდა ვიკითხო შემდეგი. ნუ თუ ამისთანა ერთსულოვნებას მოჰყვება იმისთანავე შედეგი, რომელიც მოჰყვა ისეთვე ერთსულოვნებას, როდესაც საკითხი დაისვა სომხებთან ომზე. ჩვენ გვახსოვს ყველას კარგად და „ერთობა“ ამას დიდის საზეიმო სახელწოდებით გაიძახოდა, რომ მთელი საქართველოს პარლამენტი გაერთიანდა და ერთ აზრიან და ერთსულოვან იქნა, იმ დროს, როდესაც სომხების ჯარმა გიდმოლახა ჩვენი საზღვრები. მერე? ამის შემდეგ რა მოხდა? ამის შემდეგ მოხდა ის, რომ თუმცა აქ ძალიან მტკიცედ და ძალიან მკვახედ იყო ნათქვამი, რომ საზღვრები დაცული უნდა იქმნეს, ჩვენ ვიცით, რომ ჩვენი საზღვრები დაცული არ არის და თუ დაცულია, ისევე დაშნაკეცკანებისაგან სომხეთისათვის.

აი ბატონებო, თუ ჩვენს ერთსულოვნებას, ჩვენს გაერთიანებას, ჩვენს შედეგებას საბოლოოდ მოჰყავს ასეთი შედეგები. მაშინ უნდა უსთქვა, რომ ასეთი ერთსულოვნება ისეთივე მასკა იქნება, როგორიც დღეს გაიკეთა ღრმთათიძემ. მე შეშინიან, რომ ასეთი მასკა არამც თუ არ შეაშინებს სომხის ერს და დაშნაკელებს, არამედ ჩვენ უნდა დავრწმუნდეთ, რომ როდესაც კვლავ მივლენ იგივე იაკჯიანი და ჯამალიანი და უდიერ ტონის მაგიერ ლაქტციან ტონს დაიპერენ, რაც ჩვენს მეთაურებს ძალიან უყვართ, პოლიტიკური მოღვაწენი კი



არა, არამედ მუხიკანტები იყვნენ, რომლებიც ტონს უფრო აქცევენ ყურადღებას, მაშინ თქვენ დაინახავთ, რომ სომეხი იაკჯიანი მოგიკვდებათ ხელში, ათასნაირ კარგ სიტყვებს გეტყვით და თქვენც დაიჯერებთ იმიტომ, რომ თქვენ ყურადღებას აქცევთ ლაპარაკის ტონს და არა იმას, თუ ვინ რას აკეთებს (აღლ. ლომთათიძე: რა გააკეთოთ, ბატონო რევუზ?) მე არ ვიცი რას გააკეთებს ლომთათიძე, მაგრამ მე ვიცი რა უნდა გააკეთოს ჩვენმა მთავრობამ. როდესაც აფეთქებენ ხიდს, იქ კი არ უნდა იყვირონ, უნდა დაიჭირონ დამნაშავენი და დახვრიტონ. როდესაც აქ მთავრობის თავმჯდომარე გვეუბნება, რომ ჩემთან მოვიდა სომხის დელეგაცია და უდიერად მელაპარაკებოდა სომხის მასიურ გამოსვლანგო, აქ კი არ უნდა ილაპარაკოს, უნდა ებრძანებინა, რომ ის, ვინც ემუქრებოდა დაეჭირათ და თავი ეკრათ ციხეში, როდესაც აქ გვეუბნებიან, დიდის რიხით და დიდის ყვირილით, რომ ჩვენსა და სომხის დემოკრატიის შორის არის დაშნაკაცკანთა კედელი, მაშინ თუ თქვენ ვაქცევთ ხართ უნდა დაიჭიროთ ეს დაშნაკაცკანები და დაუბრუნოთ სომხის დემოკრაციას. (ტაში, გ. ვეშაპელი: наложеннымъ платежомъ)

აი ასეთი სულიერი განწყობილება შეიქმნა პარლამენტში და მე მოველოდი, რომ ამისთანა ბრალდების დროს, როდესაც დაშნაკაცკანელთა პარტიას ამისთანა ბრალდება წამოუყენეს, დაადეს ხელი პარტიას და ეს ბატონმა თავმჯდომარემ აშკარად გამოაცხადა, მე მეგონა, რომ სომხის წარმომადგენელი გამოვიდოდა და თავს იმართლებდა. ან და იტყოდა იმისთანა სიტყვებს, რომელიც მთელ საქართველოს თუ არა პარლამენტს მაინც დაამზვიდებდა.

რა გავიგონეთ დაშნაკელების წარმომადგენელისგან? მან აქ ლულულდით რაღაცა სთქვა. მან სთქვა, რომ ლტოლვილების საკითხი ისეთი საკითხია, რომლის გარშემო შოვინისტები ლაპარაკობენო. იგი ძალიან ცხარობდა ჭ სთქვა, რომ აქ იმისთანა საკითხია, ლტოლვილების საკითხია გადასაწყვეტით. მაშინ, როდესაც ლტოლვილებზე კრიტიკ არ იყო დაძრული თვის შეკითხვაში. მაშინ, როდესაც აქ ლტოლვილებზე კი არ იყო ლაპარაკი, არამედ იმაზე თუ ამ ლტოლვილებში დაშნაკელების პარტია რა პროვოკაციას ეწევა. ამ პროვოკაციის, ამ ლალატის შექმნაზე არაფერი არ სთქვეს დაშნაკაცანელების წარმომადგენლებმა. ამაზე მათ კრიტიკ არ ამოუღიათ. მხოლოდ ერთმა სთქვა, როგორ შეიძლება ასე უცხად ასე მოუშალებლად თავს დაგვესხა მთავრობა და მთავრობის პარტია და დროს არ გვაძლევთ, რომ მოვეშალოთ და მოვიქროთ რამეო. და მოიფიქრებენ კიდევ: ხალხში უკვე დადის, თურმე ხმები, ხიდის აფეთქება სომხების ზარალი კი არ არის, არამედ ქართველებისა, რადგან მათ არ უნდოდათ, რომ გერმანელების ჯარი გასულიყო აქედანაო. მე მეშინიან, რომ ამისთანა ზღაპრებს თქვენ დაიჯერებთ, იმიტომ, რომ თქვენ სოციალისტები ხართ ინტერნაციონალისტები. თქვენთან არაფერს დაუჯერებთ, მაგრამ სხვებს კი, რაც უნდა ზღაპარი გვიამბონ, მათ დაუჯერებთ.

ბატონმა დაშნაკაცკანმა, რომ ასე ილაპარაკოს, ეს გასაკვირველი არ არის, იმიტომ, რომ ეს მათი ხელობა არის. მაგრამ აქ მოუესმინეთ მეორესაც, დემოკრატიის წარმომადგენელს მენშევიკების, წარმომადგენელს ბ-ნ ფირუშოვს. რა სთქვა ფირუშოვმა? მან კრიტიკ არ დასძარა არც აფეთქებაზე, არც პროვოკაციაზე ილაპარაკა. მან სთქვა, რომ საზოგადოდ მთელ ქვეყნიერებაზე, აფრიკაშიაც, ინგლისშიაც და სხვაგან, არიან შოვინისტები—კაცი ჰამია შოვინისტები. და ეს გვესმისო. რადგან ეს ყველანი ასეთ სიმართლეს სჩადიანო. მაგრამ აი აქ ამ კონკრეტულ მოვლენაზე, რომ ტფილისში ხალხს აჯანყებენ, კონკრეტულად მცხეთის ზემოდან ხიდს აფეთქებენ, ხალხში კონკრეტულად აწყობენ



აჯანყებას, ინახავენ იარაღს, ისერიან თოფებს. ამაზე არაფერი არ სთქვა და სთქვა, რომ საზოგადოდ, სადღაც, ვიღაც, რაღაც შოვინისტები არიან.

არა ბატონო, სომხის სოციალ-დემოკრატებო, მენშევიკებო, ჩვენ კი არ გვინდა, რომ საერთოდ შოვინისტების შესახებ ლათაიებით თავი მოგვავაგონოთ არა თქვენ უნდა დაჰგომოთ და ფაქტიურად სიტყვით და მოქმედებით წინააღმდეგობა გაუწიოთ და არა თანაუგრძნოთ. ჩვენ, „კონტრ-რევოლუციონერებს“ მაგისტანა ლათაიებით და სიტყვებით ვერ მოგვატყუებთ. ჩვენთვის სომხის სოციალ-დემოკრატია, დაშნაკუთუნები და ყველა პარტია ერთი არიან. ისინი ყველანი არიან სომხები, ერთი ჯურის ხალხი და თუ თქვენ გინდათ, რომ სოციალ-დემოკრატის პარტიის თვალსაზრისით ეს ხალხი დაჰყოთ სხვა და სხვა ჯგუფებად, ამით თქვენ შეცდომაში ვერ შეგვიყვანთ. სომხის ხალხს, სომხის ერს განსაკუთრებული იდეა აქვს და ამ იდეას ანხორციელებენ მიუხედავად იმისა, რომ ამას მოაქვს დიდი და დიდი მსხვერპლი სომხებისათვის. დაშნაკელები, ხელმძღვანელი პარტია, არ დაზოგავენ თავის ხალხს და მეორე ნახევარსაც გააქლევინებენ.

ნუ თუ თქვენ გგონიათ, რომ ამ გაქლევამ მათ ჰქუა ასწავლა? ისინი მეორე ნახევარსაც არ დაინდობენ; რაც უნდა დიდათ იყვიროთ, მაგრამ იმას კი იზამენ, რასაც აპირებენ. მაგრამ მე იმისი კი არ მეშინიან, რომ სომხის ერი სადმე დიდხანს გაბატონდეს. არა, ბატონებო, სომხის ერი ისეთი რამ არის, ისეთი ერთგვარი ბაქტერია არის, რომ მას შეუძლიან სხვა ერი დაშალოს, როგორც ოსმალეთი დაშალა, საქართველოც დაშალოს, მაგრამ ფაქტიურად თავის ქვეყნის აშენებას კი ვერ შესძლებს. აი, როდესაც ისინი ასეთ პოლიტიკას აწარმოებენ საქართველოში და თქვენ ფიზიკურად, კონკრეტულად ფაქტიურად არ ებრძვით, თქვენ ვერ შესძლებთ დაუშალოთ ასეთი მოქმედება და ამას მოჰყვება ის, რომ დაშლიან საქართველოს და თავისთვის ვერაფერს შეჰქმნიან, თავისთვის ვერაფერს აშენებენ.

რომ ეს არ მოხდეს, უნდა მოიქცეთ ის, როგორც იქცევიან ყველა დემოკრატიულ, კულტურულ სახელმწიფოში, როდესაც შიგნით ეწყობა აჯანყება, როდესაც ხიდს აფეთქებენ, როდესაც შინ გიწყობენ იარაღის საწყობებს, თქვენ უნდა მოსპოთ ფიზიკურად იმნაირად, რომ გააძეგოთ ქვეყნიდან.

აი ჩვენი რჩევა და ჩვენი თქვენთან ერთად ყოფნა სწორედ იმაში მდგომარეობს, რომ თუ ის სიტყვა, რომელიც ბრძანა ეორდანიამ და ის ყვირილი, რომელიც გავიგონეთ ლომთათიძისაგან, შეიფერება სინამდვილეს და ეს ისეთვე დეკლარაცია არ არის, როგორც ეს ამას წინად მოხდა,—ჩვენ ხონ დეკლარაცია გავაკეთეთ ენის შესახებაც... მაგრამ მერე სრულიად ყირამალა დააყენეს ეს საკითხი,—მაშინ ჩვენ, რასაკვირველია, თქვენთან ერთად ვიქნებით და თუ საჭირო იქნება თქვენთან ერთად დავიზოცებით.

მაგ—ამ თუ თქვენ ისევე დეკლარაციით გამოხველით, ისევე ილაპარაკეთ რიხით, როგორც დღეს და ხვალ კი გაზეთში წაიკითხავთ, რომ შთელი ვაგონი იარაღით, ჯარისკაცებით და სურსათით მიდის სომხეთში და წაიკითხავთ, რომ სომეხ ოფიცრებს ნება ეძლევათ თავის იარაღით ისერიონ ტფილისში, და წაიკითხავთ მას, რაც ძირიანად ეწინააღმდეგება იმას, რასაც აქ ლაპარაკობთ თქვენთან ვერ ვიქნებით, რასაკვირველია. აი ეს არის განსხვავება თქვენსა და ჩვენს შუა. ჩვენ, რასაც ვამბობ ვცდილობთ საქმეთ ვაქციოთ. თქვენ კი ამბობთ და სიტყვა ჰაერში გრჩებათ.



(გაბაშვილის სიტყვის შემდეგ ლაპარაკონ: თარხანოვი (სომ. სოც. დემოკრ.) და ავეტისიანი (დაშნ.)\*).

თავმჯდომარე. სიტყვა ეკუთვნის მთავრობის თავმჯდომარეს.

მთავრობის თავმჯდომარე ნოე ჟორდანია. მოქალაქენო, მე მსურს მხოლოდ თქვენ მოგახსენოთ რამდენიმე ფაქტობრივი შენიშვნა.

ახლა აქ მოქალაქე ავეტისიანიმა სთქვა, რომ ხდებდა მთავრობის და მთავრობის ფრაქციის წარმომადგენლების კრება და ამ სათბიროზე, ამ კრებაზე ჩვენ ფრაქციას კი არ იწვევენო. მე უნდ ვსთქვა, რომ ეს არ არის მართალი. ასეთი შემთხვევა არა ყოფილა. და სწორედ არ ყოფილა ეხლა ამ შეკითხვის დროსაც. არავითარი ფრაქციათა კრება არ ყოფილა და არც შეიძლებოდა, რომ ყოფილიყვნენ იმ პარტიის წარმომადგენლები, რომელსაც ეკუთვნის ავეტისიანი.

მთავრობა ყველა ფრაქციებს საპარლამენტო სათბიროზე ერთნაირად ექცევა. იმ შემთხვევაში, თუ რომელიმე სხდომაზე რაიმე პოლიტიკური კითხვა უნდა გადასწყდეს, ამ სხდომაზე ვიწვევთ ჩვენ სუყველას და თითქმის არავითარ განსხვავებას (ვეშაპელი: თითქმის!) არ ვაძლევთ და შემდეგშიაც არ მივცემთ არც ერთ ფრაქციას.

მართლაც, მე ამას წინაღ მივიღე რეზოლიუციები, რომელიც მომიტანა ბატ. ავეტისიანიმა, საქართველოში მცხოვრებ მათ დაშნაკელთა ორგანიზაციების კრების ერთნაირი პროტოკოლები და მართლაც რომ ამ კრების განაჩენები ეხება ჩვენს საერთო კითხვებს. ისეთნაირად იყო ეს კითხვები გადაჭრილი, რომ სრულიად დამაკმაყოფილა ადა თქვენც დაგაკმაყოფილებდად, თუ გაიგონეთ.

ამიტომ მე მაკვირვებს, რომ „ჰორიზონი“ რომელიც ასეთ რამეებს სწერს, ვისი ორგანო არის? თუ ის ორგანოა ცენტრალურ კომიტეტის, რომელიც მოქმედობს საქართველოში, მაშინ ის, რასაც იგი სწერს ერთია და ის პროტოკოლები, რომელიც წარმოადგინა ავეტისიანიმა ის სხვა არის. მაგრამ მე ვიკითხვ ვისი ორგანოა ეს „ჰორიზონი“ და გვითხრეს, რომ ეს არის ორგანო აღმოსავლეთ ბიუროსი, აღმოსავლეთ ბიუროსი დაშნაკეიტუტუნის პარტიისა.

მაშასადამე გამოდის, რომ ეს ყოფილა არა ორგანო ჩვენს რესპუბლიკაში მყოფ ამ პარტიისა, არამედ საერთოდ მთელ ამიერ-კავკასიის, ასე ვთქვათ, დაშნაკეიტუტუნის პარტიისა.

თავისთავად ცხადია, რომ ეს ორგანო კითხვებს გადასწევტს არა ჩვენი რესპუბლიკის თვალსაზრისით, არამედ სულ სხვა რესპუბლიკის თვალსაზრისით, სულ სხვანაირ თვალსაზრისით.

აი სწორედ ეს წინააღმდეგობა, რომელიც არსებობს დღეს ამ ადგილობრივი საზოგადო ორგანიზაციის და ამ საერთო მათ პარტიის ორგანოს შორის—და ეს ცენტრალური ორგანო აქ ჰქონია და არა ერევანში, ეს თავისთავად ცხადია, და ამით აიხსნება ის გარემოება, რომ ერთს ადგენენ საქართველოში მცხოვრები დაშნაკეიტუტუნის ორგანიზაციები და მეორეს სწერს მათი ცენტრალური ორგანო „ჰორიზონი“.

მე მგონია, რომ მე სრულიად არა ვსდებ ბრალს ამ პარტიას; საერთოდ იმის მასსას ძლიერ ჰსურს, რომ იყოს მშვიდობიანად ჩვენს მასსასთან და სხვების მასსასთან, მაგრამ როგორც ამბობენ, ვინც აკეთებენ პოლიტიკას ხალხისას, ვინც არიან მოკალათებულნი ამ ცენტრალურ ორგანოში, აი ისინი არიან,

\*) სიტყვა წარმოთქმულია რუსულად.



ბატონებო, რომელიც ამღვრევენ წყლას და აქაც ანსოცილებენ იმას, რასაც აკეთებენ ყველგან.

უნდა ვსთვათ, რომ ეს ახალი ამბავი არ არის ჩვენთვის. ამაზე წინადაც გვითქვამს, გვწერია, მაგრამ მიუხედავად ამისა ეს პარტია განაგრძობს თავის პოლიტიკას.

აი დღეს, აქ ბატონმა ავეტისიანმა სთქვა, რომ ოსმალებმა კომისიაში განაცხადეს, რომ ჩვენ არ ვაკეთებთ თქვენს ლტოლვილებს, წავიდნენ თვის გზით თავიანთ სახლებში და მან ეს დაიჯერა. ეს დაიჯერეს და ააშენეს ეს აგიტაცია. და როდესაც ჩვენ ვუპნებოდით ეს ასე არ იქნება, მართალი არ არის, ასე არ იქნება საქმე—ჩვენ არ დაგვიჯერეს. ეხლა მე გეკითხებით: ვინ დცავს, ვინ მუშაობს ამ ხალხის სასარგებლოდ—ისინი, თუ ჩვენ? ეხლა მომივიდა დეპეშა. იქ წალკაში ალბად მივიღოდა „ორიზონის“ ნონერი და იქ იტყოდნენ: წადით, თავისუფალნი ხართ, ის ოსმალები გვიშვებენ და მარტო ქართველები გაკავებენ. ეს უეჭველია დაიჯერეს ლტოლვილებმა და გადავიდნენ საზღვარზე. მერე? აი ის ტელეგრაფმა, რომელიც მე მივიღე მაყაშვილისაგან (კითხულობს):

Цалкинские бѣженцы, переходятъ границу. Турецкія войска обстрѣливаютъ ихъ. По донесенію капитана Канделаки происходить цѣлое сраженіе. Со стороны турокъ открытъ артиллерійскій огонь. Бѣшенцевъ забросали ручными гранатами. Убитыхъ много.

აი, ბატონებო, ასე სჩადიან ეს ჩვენი დაშნაკელები, ასე ზრუნავენ ისინი თავიანთ ხალხისთვის და თავიანთ ხალხს ასე ასამარებენ.

მე თქვენთვის მომინდვია—ვისი პოლიტიკა იყო მართალი და მათთვის სასარგებლო, ჩვენი თუ დაშნაკელთა? (ტაში).

**თავმჯდომარე.** სიტყვა ეკუთვნის პარლამენტის წევრს ირაკლი წერეთელს.

**ირაკლი წერეთელი** (ს. დ.) ბატონებო, დღეს ჩვენს პარლამენტში დაისვა ძირითადი საკითხი, რომლის გარდაწყვეტა, ჩემის ღრმა რწმენით; სწყვეტს მთელ ჩვენ ქვეყნის ბედ ილბალს.

უპირველეს ყოვისა ეს საკითხი უნდა იქნეს გადაწყვეტილი და სწორედ ამიტო ჩვენმა პარტიამ იმ შეკითხვაში, რომელითაც მიმართა მთავრობას, პირ და პირ, დაუფარავად დააყენა ეს საკითხი.

საქმე ესე იყო: ზოგიერთ სომხის გეზეთში, დაშნაკელების პრესაში, რომელიც მედამ უარყოფით უყურებდა ჩვენ დამოუკიდებელ საქართველოს,—უკანასკნელ დღებში გაჩაღდა იმგვარი აგიტაცია საქართველოს რესპუბლიკის მთავრობის წინააღმდეგ, იმგვარი ცილის წამება, ისეთი აღმაშფოთებელი ხმები, რომლის ერთად ერთი პოლიტიკური შედეგი, თუ რაიმე შედეგს მიადწევს იქნება სომხის ხალხის საქართველოს რესპუბლიკის საზღვრებში, აჯანყება წინააღმდეგ ჩვენი დემოკრატიულ მთავრობისა, იქნება შუილი და სისხლის ღვოა ამ ერთა შორის. და აი ეს,—როგორც უდიდესი საფრთხე წამოუყენა წინ ჩვენს ფრაქციამ მთავრობას და შეეკითხა მას, თუ რა ზომებს ღებულობს ის ამ საფრთხის წინააღმდეგ. ჩვენი ფრაქციაც ამასთანავე შეეკითხა აქ მყოფ დაშნაკელების პარტიის წარმომადგენლებს: თუ როგორ უყურებენ ისინი ამგვარ აგიტაციას.

ბატონებო, ყველაზე ცუდი პოლიტიკულ ცხოვრებაში ის არის.

საქართველოს პარლამენტი. გაზ. „საქარ. რესპ.“ დამატება



საც მოქმედი მხვილი ჰერს გააპობს და მოწინააღმდეგეს კი ვერ ჩვენ მოვისმინეთ აქ დაშნაკლების წარმომადგენლების სიტყვა. იმათ გამოაცხადეს რომ თითონ ისინი ამგვარ პროვოკაციაში მონაწილეობას არ დებულან. მაგრამ მათ არ გამოუცხადებიათ, თუ როგორ უყურებენ ისინი ამგვარ აგიტაციას და თუ არ თანაუგრძნობენ მას, მოითხოვენ თუ არა ყოველგვარ ზომებს ამ პროვოკაციის ჩასაქრობად დემოკრატიულ მთავრობის მხრივ და დაუჭერენ მას მხარს, თუ არა ამ ბრძოლაში? ჩვენ ამაზე პირ და პირი პასუხი ვერ გავიგონეთ, მაგრამ, ცხადია ის წარმომადგენლები, რომელნიც გვერდს უხვევენ ამ საკითხს, რასაკვირველია მით გვიპასუხებენ, რომ ამ დიდი საფრთხის აცილებაში, რომელიც თავს ადგას საქართველოს დემოკრატის, ეს დემოკრატია ენერგიულ თანამომხმეებს და მოკავშირეებს ვერ ჰპოვებს ამ პარტიის წარმომადგენლებში. ამიტომ არის, რომ ჩვენი დღევანდელი მსჯელობა უშინაარსოა და არ გამოგვიხატავს არსებულ ძალთა განყოფილებას.

ჩვენს ქვეყანაში ორი სრული მოპირდაპირე პოლიტიკური მიმდინარეობის შებლა შეტაკებაა. რომ, ამ ტრიბუნაზე გამოსულიყვენ დაშნაკელთა პარტიის პოლიტიკის დამცველნი და ღრმად დასაბუთებს მთელს თავიანთ პოლიტიკას და ამ პოლიტიკის თვალ საზრისით შეებრძოლებოდნენ ჩვენს დემოკრატის, მაშინ ჩვენც საშუალება გვექნებოდა შევხებოდით პოზიციას, მაგრამ ასე არ მოიქცნენ დაშნაკლების პარტიის პოლიტიკის დამცველები. სამაგიეროდ, აქ ილაპარაკეს ბ. კედიამ, ყველაზე უკეთესად, ნამდვილ პარლამენტარულ ფორმებში, და ბ. გაბაშვილმა, ჩვეულებრივ ლათაიებით, სწორედ დაშნაკლების ფრაქციის პოზიციას დაიკავეს.

როდესაც დღეს საქართველოს რესპუბლიკის მთავრობას დიდი საფრთხე მოელის, ბ. კედიამ და ნაციონალ-დემოკრატის ფრაქციის წარმომადგენლებმა სწორედ დახატეს დაშნაკლების პარტიის სულის კვეთება.

დაახ, დაშნაკლების პარტიას ისე ესმის სომხის ეროვნული ინტერესები, როგორც წინააღმდეგი საქართველოს ხალხის ეროვნულ ინტერესებისა.

დაახ, მათ ისე ესმით, რომ ეს ორი შეურიგებელი პოლიტიკური მისწრაფება და ან ერთმა უნდა შთანთქას მეორე და დაანგრის, ან და მეორემ უნდა შთანთქას პირველი და თქვენც ისე გესმით ქართველ ხალხის ეროვნული მისწრაფებანი, როგორც შეურიგებელნი სომხის ხალხის ეროვნულ მისწრაფებისა. სწორედ ამიტომ დღეს ამ პარლამენტში, არა პირდაპირ მათთან შებრძანდებით, ვინც უდიდეს საფრთხეს წარმოადგენს დღევანდელ ჩვენს რესპუბლიკის ცხოვრების პირობებში, არამედ მეორე პარტიასთან შეებრძოლებით, რომელიც ორივე პოზიციას იზიარებს. დღეს ჩვენ უნდა გამოვარკვიოთ ეს დიდი საკითხი რომლის სწორი გადაწყვეტით იცოცხლებს საქართველოს დემოკრატიული რესპუბლიკა და რომლის მრუდდ გადაწყვეტა დაანხოზს მას და მის მეზობელ ერებს.

ფრიდრიხ ლასალმა ერთი დიდი პოლიტიკური მცნება წამოაყენა, რომელიც მიღებულია არა მხოლოდ ერთი პარტიისაგან, არამედ, რომელსაც მოპოებული აქვს ცნობა ყველა პარტიისაგან: ნახევარი დიდ პოლიტიკურ საქმისა გაკეთებულია მაშინ, როდესაც წარმოატქმება ის, რაც არის პოლიტიკურ პარტიის პირველი დანიშნულება: სთქვას ის, რაც არის.

... მე მსურს სრულიად დაუფარავად აღვნიშნო ის, რაც ჩვენში არსებული ვერძოვით, ის, რაც საპარტიოიანად აღნიშნა ბ. კედიამ, მაგრამ ... არ უთქვამს ყველა იმისგან დამოკიდებული შედეგები.





დიახ, დღეს ჩვენს წინ სდგას პარტია ნაციონალისტების, დაშნაკელთა პარტია, რომელიც ფიქრობს, რომ სომხის ხალხის ეროვნულ იდეის განხორციელება და მიღწევა შეუძლებელია მაშინ, თუ მან დაანგრია ქართველ ხალხის ეროვნული და დემოკრატიული მისწრაფებანი. ჩვენ, მთელი იმ გამოცდილებით, რომელიც მოგვცა წარსულში ამ ნაციონალისტურ პარტიის მოქმედებამ, და მთელი იმ მოსვლის გათვალისწინებით, რომელსაც წარმოადგენს მისი დღევანდელი ავიტაცია, გადაჭრით შეგვიძლიან ვთქვათ, რომ აქ მუშაობენ ისეთი ელემენტები, რომელნიც არა თუ არ ერიდებიან, არამედ სულით და გულით მისწრაფიან იქითკენ, რომ აადღევონ ჩვენს საზღვრებში მცხოვრები სომხები, და გამოიყვანონ იარაღით ხელში საქართველოს დემოკრატიის და მთავრობის წინააღმდეგ და ისინი თავიანთ ეროვნულ გამარჯვებად ჩასთვლიან ამას, და თუ შეტაკება მოხდა გამარჯვებული დარჩება სომხის ხალხი. ეს გამომდინარეობდა ბ. კედის სიტყვიდან. ეს არის განზრახვა ნაციონალურ პარტიისა, რომელსაც ჩვენ დღეს ვებრძვი, ვინაიდან ამ განზრახვის განხორციელებაში ვხედავთ ჩვენ დიდ ხიფათს, დიდ საფრთხეს ქართველ ხალხისთვის და სომხის ერისთვის.

მაგრამ მე მინდა ვსთქვა ის, რაც არის აგრეთვე მეორე ბანაკში, რომელიც დღეს იმდენად ფრთხილად უხეხავს არ არის, იმდენ საშიშროებას არ წარმოადგენს, მაგრამ რომლის პოლიტიკაზე დღეს ბევრი რამ წარმოსთქვებს. მაგრამ ბოლომდის კი არ უთქვამთ. მე ვფიქრობ, ის, ვინც უყურებს სომხის ნაციონალურ მოძრაობას ისე, როგორც ნამდვილ ეროვნულ მოძრაობას, რომელიც ძირიანად ეწინააღმდეგება ქართველ ხალხის ეროვნულ მოძრაობას. თუ მან გულწრფელად სთქვა თავის გულის ნადები, მან უნდა სთქვას, რომ საუკეთესო ქართველ ხალხისთვის ის არის, თუ ეს განზრახვა მეორე ბანაკთან შეტაკებისა სისრულეში მოვიდა. მაშინ დამარცხებული დარჩება სომხის ხალხი და გამარჯვებული დარჩება ქართველი ხალხი. თუ ორ შეუთრგებელ წინააღმდეგობის ბრძოლა მოხდა, ძლევა და გამარჯვება დარჩება ქართველ ხალხს. მხოლოდ შეიძლება განადგურდეს სომხის ხალხი. ეს პირდაპირ უნდა ითქვას, ეს არის ერთი პოლიტიკა საწინააღმდეგო მიზნისაკენ მიმართული, ერთ პრინციპზე აღმოცენებული.

მე მსურს საქართველოს დემოკრატიის სახელით გამოვაცხადო, რომ შეუთრგებლად, სანამ ძალა შეგვრჩება შეგებრძოლებით ყოველგვარ პოლიტიკას ამ პრინციპზე აღმოცენებულს, იმიტომ, რომ ბატონებო, თუ მოხდა შეხება შეტაკება ამ ორ ხალხთა შორის, გამარჯვებული დარჩება, თუ დამარცხებული ქართველი ხალხი, მისი მომავალი დაკარგულია და ის მეზობლებთან ბრძოლაში სისხლით დაიცილება, ისე, როგორც დაიცალა ყოველი ერი, რომელიც აჰყვამ ნაციონალისტების ავანტიურას.

ჩვეულებრივ, ბატონებო, მე არა მგონია, რომ აქ, ამ კრებულში, ვინმემ რაიმე ეროვნული მიკერძოება, რაიმე ნაციონალიზმი დამწამოს, მაგრამ მე უნდა ვსთქვა, რომ ჩვეულებრივ ერთი ეროვნული მიკერძოება არსებობს ჩემში, როგორც პეგრ ეროვნულ დემოკრატიში. ჩვენ ქართველი რეაქციონერები, თველი შოვინისტები და ქართველი შავრაზმელები, გნსაკუთრებით გგობიან, და განსაკუთრებული ენერჯით ჩვენ ვებრძვი, სწორედ ქართველ ნაციონალისტებს, ქართველ შავრაზმელებს, მაგრამ დღეს ჩვენ წინააღმდეგობა წარმოსდგა არა ქართველი ნაციონალისტებისაგან, არამედ განზრახულ ავანტიურისმისაგან, არამედ სომხურ ნაციონალისტებს და დაშნაკელების პარტიის განზრახულ ავანტიურისმისაგან.

ისე, როგორც ერთ დროს ჩვენ ნაციონალისტებს მო...



ევროპული კოალიცია ჩვენს საზღვრებში ფრთებს შეახამდა მათ ნაციონალისტურ მიდრეკილებას და ჩვენ შევნიშნეთ რა, მათი ნაციონალისტური ავანტიურისტული სულისკვეთება და მიდრეკილება, მთელი ჩვენი ენერჯია ამის წინააღმდეგ მიემართეთ, — ისე ეხლა ჩვენ ვხედავთ, რომ სომხურ ნაციონალისტურ ბანაკში მეორე ევროპულ ძალის მოახლოვებამ, რაღაც ფარულა ზრახვა და ბნელი მისწრაფებანი გააღვიძა და მათ იმედებს ფრთები შეასხა. და აი აქ, აი ამ ავანტიურის წინააღმდეგ ჩვენ გვსურს ვიბრძოლოთ ისეთივე ენერჯიით და თავგამოდებით, როგორც მაშინ ქართველ ნაციონალისტების ავანტიურას ვებრძოდით (ტაში).

ღიახ, ბატონებო, ჩვენ ვდგებით იმ ნიადაგზე, რომელიც უარჰყოფს რომელიმე ერის ეროვნულ მისწრაფებას წინააღმდეგ მეორე მისი მეზობელ ერის ეროვნულ მისწრაფებისა. და როდესაც ბ. და ნაკლებების წარმომადგენელი დღეს უკვირებს ქართველ ნაციონალისტებს, რომ ოდესღაც ისინი ავანტიურისტულ საშუალებით შეეცადნენ დიპლომატიურ გზით მოეწყოთ ქართველი ხალხის კეთილდღეობა, ფარულად, წინააღმდეგ მისი მეზობელი ერისა, მე ვკითხულობ: ამ მხილების დროს, მაშინ, როდესაც აქ ასეთი საშიშროება მოველინა ჩვენ ხალხს და ამიერ-კავკასიას, როგორ უყურებენ ისინი მეორე გვარ მახინაციებს, იმ მახინაციებს, რომლებსაც სწორედ უცხო ძალის დახმარებით მეზობელ ერების წინააღმდეგ მიმართავენ სომხის ის ნაციონალისტები, რომლებიც, როგორც ური წვეთი წყალი ჰგვანან ჩვენ ნაციონალისტებს. და თუ ეს ასეა, რატომ სდუმან ისინი მეორე გვარ მახინაციებზე, რომელიც აღვივებს ნაციონალისტურ შუღლს, და რომელთაც მიმართავენ სწორედ იმ პარტიის წარმომადგენლები, რომლებიც ლაპარაკობენ, და რომლებმაც გადაჭრილი პასუხი არ მოგვეცეს, როგორც მაშინ, ისე ეხლა.

ჩვენ ვებრძვით ყოველგვარ განზრახ, ხალხის ზურგს უკან რაიმე გარეშე ძალის მოყვანას და მის ბედ იღბლის ასე თუ ისე შეტრიალებას და მის მეზობლის ბედ-იღბლის დასახიზობად. ჩვენ გვგონია, რომ როგორც მაშინ შესცდნენ ჩვენი ნაციონალისტები, რომლებმაც იფიქრეს, რომ ევროპული ძალა მოველინა ამ ჩვენ ქვეყნის დასანგრევად და გასანადგურებლად და ერთად ერთ საფუძველის მოსასპობლად, რომელიც საშუალებას აძლევდა ამ მცხოვრებთა ერთი სახელმწიფოში ჩაპოყალიბებას, როგორც მაშინ გამტყუნდა მათი ჰოლოდინი და ევროპულმა ძალამ თითონ დაინახა, რომ მთელი დემოკრატიის გამაგრება შეიძლება მხოლოდ სოლიდარობის წესით და ევროპულ მისწრაფების გამაგრებით წინააღმდეგ აზიურ მისწრაფებისა, — ჩვენ დარწმუნებულნი ვართ, რომ ასევე მოხდება ეხლაც, ჩვენ დარწმუნებულნი ვართ, რომ ეს გულის ზრახვა არ ასრულდება. ჩვენ დარწმუნებულნი ვართ, რომ თუ ევროპული ძალა გჩნდა აქ, და შეიძლება ფეხი ის იძულებული იქნება იცნას დემოკრატიული პრინციპი და გაამაგროს ის (ვაშა! ტაში). და ისე ხელცარიელი დარჩებიან ის ეპიტატონები, რომელნიც ლამობენ გარეშე ძალა, ევროპული ძალა გამოიყენებინათ თავისი აზიურ, თავისი ბარბაროსულ მოქმედებისათვის (ტაში).

და მე აქ ერთი რამ უნდა განვაცხადო: ბატონი ნაციონალისტები გვეუბნებიან, რომ ჩვენ ვიმეორებთ ყველა მას, რასაც ისინი ამბობდნენ დაშნაკეტილი პარტიის შესახებ, რომ საოცარ ბრალდებას ვაყენებთ წინააღმდეგ იმ ვინც ვხედავთ მასში საშიშროებას, ჩვენ ვხედავთ მათ აგიტაციის ნამდვილ მტრად არ ვაკეთებთ ისეთს შედეგებს, როგორც ისინი გვიკარნახებენ. ჩვენ ვხედავთ, ჩვენ ვხედავთ ამ საშიშროებას, ჩვენ სწორედ ვახსიანებთ იმ მტრს, რომელიც არსებობს, მაგრამ ჩვენ კარგად ვიცით, რომ



შედევები დამოკიდებული არის არა მარტო ერთ მხარის მოქცევაზე, არამედ იმაზე, თუ როგორ დაუხვედბა მას მეორე მხარე. შედეგი ერთა ურთიერთობისა არ არის მხოლოდ ერთი ქრის მასაში გაბატონებულზე დამოკიდებული, არ არის დამოკიდებული აგრეთვე მეორე ერის მასაში გაბატონებულზე. ჩვენ შეგვიძლიან დავამარცხოთ მოწინააღმდეგენი ცეცხლით და მახვილით, არ დავერიჯოთ შეტაკებას, ქლევას,—სე მოიქცა ორი სხვა და სხვა მიმართულების ხალხი და ვიცით, რომ ორივემ წაავო, ორივე სისხლით დაიწალა, მაგრამ ჩვენ ვამხელთ არა იმავე სურვილს, არა იმავე განზრახვას, არამედ ვამხელთ მათ მოქმედებაში ამ პროვოკაციაში მათი ხალხის წინააღმდეგობას ჩვენ უარყოფთ, რომ მათი ხელმძღვანელების ცოდვები მთელ მასას, მთელ ხალხს მოვახვიოთ თავზე. ჩვენ უარყოფთ სასტიკ ზომებს, რომლებიც ხალხის წინააღმდეგ არიან მიმართულნი. ჩვენ ამის ნაყოფობს კიდევაც ვხედავთ.

ღიახ, ბატონებო, ჩვენ რომ აქამდის მოგქეულებოდა იხე, როგორც თქვენა გსურთ და როგორც მოიქცნენ მუსავატელები ბაქოში მტერთან ბრძოლაში, ჩვენ ვეღარ ვეტყობით სიამაყით მთელ დასავლეთ ევროპას, მთელ კაცობრიობას, რომ მიუხედავად პროვოკაციისა, მიუხედავად იმისა, რომ ჩვენი მეზობლები ეროვნულ შუღლას გამო სისხლით დაიწალნენ, აქ საქართველოს ტერიტორიაზე და ჩვენ დედა ქალაქში ტფილისში არ დადვრილა ერთა შორის შეტაკების დროს მათი სისხლი და არ დანგრეულა არც ერთ ერის ცხოვრება (ტაში).

თქვენ, რომ გვეუბნებით, ბატონებო, ისე შევბრძოლეთ, როგორც ისინი გვებრძვიანო, თქვენ იცით, რომ მაგათი გულის ზრახვაც ეს არის, არ ვიცი გავიმარჯვებთ თუ არა, რომ შევებრძოლოთ, მაგრამ ბატონებო, მათ სურთ რომ გამოიწვიონ ტფილისის ქუჩებზე ის, რაც იყო ბაქოს გუბერნიაში. ჩვენ რომ ბ. ვეშაპელის სიბრძნეს მივდივით, ეს უკვე რამდენჯერმე მომხდარი იქნებოდა, მაგრამ ბატონებო, მაგათ ბევრათ უფრო ემინიანთ ამნაირ ბრძოლისა, რადგანაც ჩვენ ეროვნულ ბრძოლის ფრონტზე არ გვინდა შევეტაკოთ და მოუწოდებთ სომხის ერის დემოკრატიას დადგეს ჩვენს დემოკრატიულ ფრონტზე. ჩვენ გვწამს, რომ ასეთი ბრძოლა—ერთად-ერთი ბრძოლაა, სადაც დაშნაკლებს არ გაუმარჯვნიით. (ტაში) მუსავატისტებზე მათ მრავალჯერ გაუმარჯვნიით, მუსავატებსაც სამაგერო მიუხვედბათ, მაგრამ არის ერთად-ერთი პარტია ერთად-ერთი ხალხი, არა მარტო პარტია, ხალხი, რომელიც ამ დროშის ქვეშ სდგას, რომელზედაც არ გაუმარჯვნიათ არც ერთ ნაციონალურ პარტიას: არც მუსავატისტებს, არც დაშნაკლებს, არც ქართველ მუსავატისტებს და დაშნაკლებს... (ტაში) ბატონებო, თქვენ ამბობთ, რომ გესმით ჩვენგან ლამაზი სიტყვები, მაგრამ ჩვენ საქმეს კი ვერ ხედავთ. ამას ამბობს აქ ბატონი გაბაშვილი. მაშ ალბად, ბ. გაბაშვილს სადღაც გაუგონია, ვინმე ჭკუიან კაცს უთქვამს ის თავის მოწინააღმდეგეებზე, რომ ლამაზ სიტყვებს ამბობს და შედეგი არ დავგანახებო, მაგრამ იმ ლამაზ სიტყვებს და საქმეებს, რომლის გაკეთებაც შესძლო სოციალ-დემოკრატიამ, შეიძლება ჯერ მთელი თავისი ნაყოფი არ მოუტანიათ. ერთი შედეგი მაინც მოიტანეს:—მათ ააცილეს ქართველ ხალხს ეროვნულ სხლის ღვრა, მოიპოვეს და დღეს-დღეობამდის დაიტოვეს დამოუკიდებელი დემოკრატიული სახელმწიფო. (ტაში) აი ამას ხედავთ ბატონებო, არის შედეგი. (ხმა: ჯერ კიდევ ბევრი რამ...)

ღიახ, ბატონებო, ამას დასწახვიან შავი ყორნები, მაგრამ თქვენს მიმდევარ მომხებებს და სხვა მეზობლებს თქვენს მიმდევარ აუცილებიათ. (ხმა: თქვენი იმდევრები ავსტრიაში?)



ებრძოდნენ ავსტრიაში თქვენი მივლევრები ჩვენს მომდევრებს, მაგრამ ენლა დაიწყეს მათი დასამარება...

აი, ბატონებო, ჩვენ მივმართავთ საქართველოს დემოკრატიულ მთავრობას იმ მოთხოვნით, რომ სასტიკად შეეებრძოლოს ყოველგვარ პროვოკაციას და დღევანდელ პირობებში ყველაზე უფრო საშინლად ჩვენ მიგვიჩნია, აი ეს პროვოკაცია იმ პარტიისაგან, რომელმაც გაიმეორა სხვა ერის ნაციონალისტების ტაქტიკა ავანტიურულ მისწრაფებისა, რომლებიც ფიქრობენ, რომ დღეს დადგა მათთვის დღესასწაული როგორც ამას წინად ფიქრობდნენ ჩვენი ნაციონალისტური პარტიები.

ჩვენ მათ უნდა შეეებრძოლოთ იმ მეთოდებით, რომელიც დღევანდელ თავის სიტყვაში აღნიშნა მთავრობის თავმჯდომარემ და რომელიც განამტკიცებენ პოლიტიკურ ტრადიციებს და დემოკრატიის პოლიტიკას; იმ მეთოდებით, რომელიც სთიშავს მოწინააღმდეგეს მის ხალხის მასიდან, რომელიც უპირდაპირებს ჩვენს დემოკრატია სარა ერს, არა ხალხს, არამედ ავანტიურას, რომელიც ხშირად საავანტიურო მომზადებაში და მოქმედებაში არ ერიდებიან ამისთანა ნაბიჯებს იმის შიშით, რომ არ დაკარგონ თავის მასს თანაგრძნობა ამათ უნდა შეეებრძოლოთ სასტიკათ, მაგრამ იმ გზით, რომ, როგორც დღემდის დაუტოვა ისე მერმისთვის საქართველოს დემოკრატიამ დაუტოვოს, რომ მან თავისი დემოკრატიული წყობილება შეინარჩუნა არა ეროვნულ შუღლის გაჩაღებით არა სხვა რამე უბედურებით, არამედ სოლიდარობისკენ მისწრაფების და სხვის ბედნიერების გამაგრებით, რომ მათ სიტყვას მოჰყვა ეს შედეგი, რომელიც ბრმა ნაციონალისტებს ვერ დაუნახავთ, ეს შედეგია, — რომ იყვეს, იზრდებოდეს და რჩებოდეს საქარდელოს დამოუკიდებელი რესპუბლიკა (ტაში).

**ალ: ფარნივეი (ს.-დ.)** მოქალაქენო, ჩვენი ფრაქციის სახელი უნდა განვაცხადო, რომ იგი არასოდეს არ იზიარებს სიძულვილის პოლიტიკას.

აი, მე მინდა სწორედ იმ აზრზე ავავო ის ორიოდ სიტყვა, რომელიც მინდა გითხრათ: აქ ლაპარაკობდნენ იმაზე, რომ სომხის ერი, როგორც ასეთი, იღვიძებს, იზრდება ქართველ ერის წინააღმდეგ. ეს აზრი არც უტყუარია. ისტორიული მაგალითებით და საბუთებით არის დასამტკიცებელი თუმცა აქ ბ. კედამ მოიყვანა მცამეტე საუკუნის დრო, მეფეებისა და სხვა. ვისმინეთ ერთგვარი ბაასი, ლაპარაკი, (ვეშაპელს: „ბაასი არ ყოფილა“) აქ ლაპარაკი იყო, ჩვენი ფრაქციის შეკითხვა სრულიად არ იყო აშენებული იმაზე, რომ სომხის ერი ახდენს აჯანყებას, აქ იყო ბრალდება წამოყენებული მხოლოდ დაშნაკელების პარტიის წინააღმდეგ, რომ ამ პარტიას შეუძლიან თუ არა გაამართლოს თავისი შეცდომები და უარჰყოს ის პოლიტიკა, რომელსაც მისდევს სისხლის ოგრა.

ბ. ავეტისიანი კი პირიქით ბრალდება წამოაყენა მთავრობის წინააღმდეგ, რომ მთავრობა ვერ აქცევს ჯეროვან ყურადღებას ლტოლვილების საკითხს, რომ ის ამ საკითხს ვერ სწყეტს ისე, როგორც მოითხოვს ამას სონხის მთავრობისგან. მე ვფიქრობ, რომ მათ სხვანაირათ არ შეუძლიანთ მოქმედებას, რომლის პრესაც ასე სწერს, სხვანაირად არ შეუძლიან მოქმედებას დაშნაკეთუნის პარტიის წარმომადგენლებს არ გაუზიარებდნენ მთელი ხაზი, როგორც ასეთი, როგორც ზორიანმა მოგავიწყებინა უფრო ლმობიერად ზოიქცა ავეტისიანი, რომელმაც გახატა, რომ ამბობდა, რომ ეს შეცდომები არის სხვა და სხვა ქვეყნების პარტიის მოქმედება ბრძოლა მის წინააღმდეგ. ავეტისიანი ნათლად ამბობდა: გახსოვს თქვენ, როდეს...



საც ქალაქის თვითმართველობას ვირჩევდით იმ დროს თქვენ ჩვენს ფიზიკურ მის ამქცევადობით; მაშასადამე არ სურთ აპატიონ სოც.-დემ. ის, რაც მათგან ახსოვთ. თქვენ გახსოვთ, როდესაც გლეხების ყრილობაზე ჩვენს წინააღმდეგ გამოილაშქრეთო. მაშასადამე აქ ახსოვთ ეს, მაგრამ არ ახსოვთ ის, როდესაც გამოდიოდნენ და სოციალ დემოკრატიის წინააღმდეგ იბრძოდნენ. აქ ჩვენს მთავრობის სათავეში უმთავრესად სოციალ დემოკრატები არიან; მაშასადამე სოციალ-დემოკრატების წინააღმდეგ არის ეს ბრძოლა გაჩაღებული. ჩვენ გგონია და დარწმუნებულნი ვართ, რომ როგორც საქართველოს ისე სხვა დემოკრატია, როგორც დღეს ისე მომავალში შესძლებს ამ დემოკრატიულ წესწყობილების დამყარებას და დაგვირგვინებას.

მერე არა ნაკლებად იბრძვიან სოციალ დემოკრატების წინააღმდეგ აგრეთვე პარლამენტის წევრი გაბაშვილი და სხვები. მან აქ თავის გამოხსოვლაში რა სთქვა მან და მანც დაშნაკელების პარტიის მოქმედების წინააღმდეგ? არაფერი. მან თავის სიტყვაში თავიდან ბოლომდის მხოლოდ სოციალ-დემოკრატიის წინააღმდეგ ბრძოლას მოანდომა. თქვენ მყვირალა ხალხი ხართ, თქვენ ბევრი ლაპარაკი იცით და საქმის გაკეთების უნარი კი არ გაქვთო. განა ეს ბრძოლა არ არის? ეს იგივე ბრძოლა არის, რომელსაც აწარმოებენ დაშნაკელები და მე ვფიქრობ, რომ სწორედ ის, რაც ხდება აქ ნათლად ამტკიცებს რომ ერთი პოლიტიკის ხალხი არაან ეს მემარჯვენენი. თუ ჩვენ, ბატონებო პარლამენტის წევრი გაბაშვილი გვისაყვედურებს, რომ აი აქ თქვენი მეგობრები დაშნაკელები არიანო. მე ვწუხვარ, რომ ისინი ამ სკამებზე სხედან და არა ამ სკამებზე, გულით და სულით ისინი ერთ და იგივე საქმეს აკეთებენ: იბრძვიან დემოკრატიულ წესწყობილების დამყარების წინააღმდეგ. ამის შესახებ მე ვფიქრობ, რომ ის ნაბიჯები და ის განზრახვა, რომელსაც დაადგა მთავრობა, ეს არ არის სიტყვა, ეს არ არის ყვირილი, არამედ ეს არის ნამდვილი საქმე. თუ ეროვნულ-დემოკრატების ზოგიერთ ნაწილს მანც და მანც სურს, რომ მთავრობა შეეჯახოს პირდაპირ სომხის ერს, მე ვფიქრობ, რომ ჩვენ მთავრობას იმდენი ცოდნა და იმდენი გამოცდილება მანც და მანც აქვს, რომ არ აქყვეს აი ასეთ მოწოდებას. პირიქით ჩვენ დარწმუნებული ვართ, რომ ის შეგებრძოლება ასეთ მოწოდებას, ამავე დროს იგი იბრძოლებს დაშნაკელების მოწოდების წინააღმდეგ.

აქ ჩვენ ბ. თარხანთვა გვიამბო, თავის აზრი. ისიც ილაპარაკა, რომ თქვენ სოციალ-დემოკრატები არა ხართო, თქვენგან ისწავლეს აი ასეთი საბუთებო. თქვენ სოც.-დემოკრატებმა და მთავრობამ მოაწყეთ საქმე ისე, რომ სომხის დაშნაკელებს არ ჰქონდეთ საბუთი ილაპარაკონ მთავრობის წინააღმდეგო. ეს ყველაფერი სთქვა თარხანთვამ, მაგრამ რა უნდა გააკეთოს მთავრობამ და სოციალ-დემოკრატებმა იმის შესახებ კი თარხანთვი-გაჩუმდა, არაფერი სთქვა. თავის სიტყვაში. თარხანთვი ფიქრობს, რომ ის ნაბიჯები, რომელსაც სდგავს სომხის პარტია დაშნაკელებისა, არის გამოწვეული მთავრობის ვითომდა უმოქმედობით. მაგრამ არც ერთი ნაბიჯი მთავრობისა არ მოუყვანია ისეთი, რომელიც ეწინააღმდეგებოდა ამ სომხების ლტოლვილების საკითხს.

ბ. ავეტისიანიმა განმარტა, რომ მთავრობა არ აქცევს სათანადო ყურადღებას ამ ლტოლვილების საკითხსო. მაგრამ მე ვფიქრობ, რომ ეს არის უბრალო სიტყვა და მეტი არაფერი. ვფიქრობ იმისთვის, რომ სწორედ სომხის პარტია დაშნაკელებისა, როგორც ესლა, ისე უწინ, ძველ რეჟიმის დროს, ისე იქცეოდნენ, ასეთ პოლიტიკას აწარმოებდნენ. მათ ასეთი მოქმედება, ასეთი ნაბიჯები ახასიათებთ.



ჩვენში არავენ აშენებს სომხის ხალხის უბედურებაზე თავის ბედნიერებას და არ ფექრობს ამით მოიპოვოს ნდობა სომხის ერში.

როგორც ფირუმოვმა გამოაცხადა, დგება ახალი ხანა, არა ისეთი ხანა, რომელზედაც აგეტისიანმა განაცხადა, რომ საერთაშორისო საქმეა ამიერ-კავკასიაში ერთა გაერთიანების გადაწყვეტა, ასეთი ხანა კი არ არის, არამედ მეორე ხანა, ავანტიურისტების ხანა. და ვფიქრობ, რომ სწორედ ამ ავანტიურაში მოიტეხენ კისერს დაშნაკელები.

მე მახსოვს, სწორედ ამ ადგილას ამიერ-კავკასიის სეიმის დროს, თუ არა ვცდები მეორე კრებაზე ნ. ჟორდანიამ ასეთი სიტყვით მიმართა დაშნაკელებს: თქვენ დალუბეთ, და ვამბობ კიდევ დალუბავთ მათ. დაიხსომეთ ჩემი სიტყვა: ის, რაც დალუბეთ—დალუბეთ, ის, რაც დარჩი, იმასაც დალუბავთო. მაგრამ მათ დალუბვაზე ჩვენ არ შეგვიძლიან ჩვენი საქმე ავაშენოთ, სხვის უბედურებაზე არ შეიძლება ვინმემ ააშენოს თავისი ბედნიერება.

ზოგიერთი ნაციონალ დემოკრატი, განსაკუთრებით გაბაშვილი ამაზე აშენებს თავის სიტყვას: აი დაშნაკელები ასეთნი არიან, და თქვენ ამიტომ უსათუოდ ბძროლა უნდა გამოუტყხადოთ სომხებსო. მაგრამ ასეთ პოლიტიკაზე სოციალ-დემოკრატები არასოდეს არ მდგარან და არც დადგებიან. თქვენ ჭკუას სწავლობთ მოწინააღმდეგეებთან ბრძოლაში. რა თქმა უნდა, თქვენ დიდი მოწინავე ხალხი ხალხი ხართ, დიდი ცენზი გაქვთ, იცით რაც უნდა აკეთოთ. თქვენ აზროვნობთ ისე, რომ ერთა შორის უედა ჩამოვარდეს შუღლი, და განხეთქილება. თქვენი მიმართულება ესაა. თქვენ ყოველ ნაბიჯით აპას ამტკიცებთ. თქვენ რასაკვირველია მოელოდით, რომ დაშნაკელები თქვენზე გამოვიდოდნენ და ესენი ერის სახელით ილაპარაკებდნენ. მაგრამ, როგორც თქვენ ხართ ერთ კუნძულში შეჯგუფებულნი, ისე დაშნაკელები შეჯგუფებულნი.

მე დარწმუნებული ვარ, რომ სომხის ერი მიხვდება ისე, როგორც ქართველი ერი მიხვდა, რომ ორივენი არიან დამლუპველნი ერისა, დემოკრატიისა, თავის ხალხისა (ტაში მარცხნივ).

**თავმჯდომარე.** სიტყვა ეკუთვნის პარლამენტის წევრს მიკირტუმოვს.

**მიკირტუმოვი.** (ს.-დ.) ბატონებო, აქ პარლამენტის წევრმა ბატონმა გაბაშვილმა ჯერ ამხანაგი ფირუმოვი მონათლა დაშნაკიუტუნად, მერე კი საყვედური გვითხრა, რომ თქვენ გულახდილათ არ სთქვით და არ დაახასიათეთ დაშნაკელებიო. მე მგონია ბ. გაბაშვილი დაკმაყოფილებული იქნება ამხანაგი ირაკლის სიტყვის შემდეგ (გაბაშვილი: ირაკლი სომეხი არ არის?) კი ვიცო, სომეხი არ არის, მე მაინც ვაცხადებ საჯაროდ. დიახ, ბატონო გაბაშვილო, სომხის დემოკრატია, აგრეთვე როგორც ქართველი და სხვა ერების დემოკრატია, სასტიკად ჰკიცხავს და გმობს ყოველგვარ პროვოკაციას. ჩვენ ვკიცხავთ ყოველგვარ დაუსაბუთებელ ბრალდებას, იქნება ეს ბრალდება დაშნაკელების, „კლდეებში“ თუ დამოკიდებულ ან დამოუკიდებელ „კლდეებში“. დასასრულ მე მოკლედ ვიტყვი. ერთი მოსაზრება უნდა ვსთქვა. (ეშმაქელი: დასასრული!).

დიახ, ძალიან კარგი იქნება ბ. ვეშაპელო, თქვენც რომ მოკლედ ლაპარაკს ისწავლიდეთ.

მე უნდა მოვახსენოთ, რომ ამ დარბაზის კედლის გაჩვენებულ სდგას განსაკუთრებით მძლავრი ქართველი დემოკრატია, რომელიც სომხის და სხვა ერების დემოკრატიასთან ხელი ხელ ჩაკიდებული განაგრძობს თავის გზას და ამბობს: ვინც რა უნდა სთქვას, ჩემმა წისკვილმა კი ფექვასო. ჩვენ ხსნა,—ამბობს ის,—სვენი ბედნიერება ეროვნულ სოლიდარობაში და ერთობაში არის, სოლი-



დარობას და ერთობას ვერავინ ვერ წამართმევს ვერც ერთგვარი კაცობა შოვინისტები და შავრაზმელები, საიდანაც უნდა იყვნენ\*.

**თავმჯდომარე.** სიტყვა ეკუთვნის პარლამენტის წევრს ვარდოიანს. (ხმა: ვარდოიანი უარს ამბობს) არის შემოტანილი წინადადება შესწყდეს კამათი ამ შეკითხვის შესახებ.

ვის ნებას სიტყვა ამის წინააღმდეგ? სიტყვა ეკუთვნის პარლამენტის წევრს მიხეილ მაჩაბელს.

**მ. მაჩაბელი.** მე ას უნდა აღნიშნო აღბად რაღაცა გაუგებრობა მოხდა. გაბაშვილის მერე მე ვიყავი ჩაწერილი და აღბათ ბარათი დაიკარგა თუ რაღაც გაუგებრობა არის.

ჩემის აზრით, ყველას უნდა მიეცეს ნება, რომ თავისი აზრი გამოთქვას იმაზე, რაც აქ გამოითქვა. ნამეტნავად მაშინ, როდესაც იმის მაგივრად, რომ მიმდინარეობა ისეთი ყოფილიყო, როგორც საჭირო იყო, ე. ი. შეკითხვაზე ლაპარაკი ყოფილიყო და იმ პროვოკაციაზე, რომელსაც აწარმოებს დაშნაკელების პარტია თავის ორგანოში,—ამის მაგივრათ აქაო და ნაციონალდემოკრატების წარმომადგენლებმა ექვი შეიტანეს მთავრობის მოქმედებაში,—აქ ჩვენ შესახებ მოუხდნენ ლაპარაკს და საკითხის შესახებ სულაც არ ითქვა რა.

ბ. წერეთელმა აღნიშნა, რომ ვითომც აქ იყვნენ უსათუოდ სისხლის ღვრის მომხრენი. თითქოს აქ იყოს მთავრობის წინააღმდეგ მოლაპარაკე ლაპარაკი. ბატონებო, აქ მთავრობის წინააღმდეგ კი არ არის ლაპარაკი,—ჩვენ მოვითხოვთ რამე ზომების მიღებას მათ წინააღმდეგ. ჩვენ მოვითხოვთ, რომ ისინი, ვინც ასეთ პროვოკაციას ეწევიან ან ცხეში ჩაგვან, ან დაუკეტონ გაზეთი, ან კიდევ მათ წინააღმდეგ მიიღონ სხვა და სხვა ზომები, რომელიც ხელთ აქვს მთავრობას. ამისთანა ბრძოლას ჩვენ ვერ ვხედავთ, ჩვენ ვერ ვხედავთ, რომ სასტიკი ზომები იყოს მიღებული. ჩვენ ეს ვსთქვით და აქ კი არც აციეს არც აცხელეს ბატონმა მიქირტუშოვმა და სხვებმა, რასაც ვირველია, ბ. მიქირტუშოვს მე არ ვიცნობ, როგორც ბ. ირაკლ. წერეთელის აზნაგას, რომელიც გამოვიდა, მოგვარდა და ჩვენ შავ-რაზმელები გეწოდა. ამაზე ჩვენ ნება უნდა მოგვეცეს, ჩვენ იმის ნება მაინც უნდა მოგვეცეს, რომ ვსთქვათ: საქართველოში შავ-რაზმელები არ არსებობენ და აქ არა სხედან შავ-რაზმელები\*. თქვენ ზნეობრივი უფლება არა გაქვთ, რომ ვადაუხვიოთ გზას.

ბ. ავეტისიანი სულ სხვა ნიადაგზე იდგა—ბტრები იქ კი არ არიან, მინდა სხედანო.

ჩვენ მართლა ბევრ კარგ სტქმებში გავყვებით ირაკლი წერეთელს და იმის მომხრებს, როცა ის საქართველოს დასაცველათ გავა, მაგრამ ნება მაინც გვქონდეს, ვსთქვათ, რომ აქედან ჩვენ არ გამოვკიდეთ მოლაღატებად და ისინი კი (მიუთითებს დაშნაკელებისაკენ), მოყვრებად.

**თავმჯდომარე.** ორატორები ამ რევთ არიან ჩაწერილები: (კითხვა შემდეგ გახლავთ ბ. მაჩაბელი, რომელიც მოგვითხრობს, რომ უთმობს ბ. ვეშაპელს. აი, ბატონებო ის ბარათები. აქ შეიძლება იყო კიდევ სხვა თი (ხმა: იყო გაბაშვილის მერე). შეიძლება, მაგრამ მა, სამწუხაროა არა მაქვს ის ბარათები და მე წავიკითხე სხვა სია, რომელიც (ვეშაპელი: მაშასადამე დაკარგულა) შეიძლება. (მიმართავს ლორთქიფანიძეს) თქვენ გნებავთ? (ლომთათიძე—დიახ, დასასაბუთებლად.

საქართველოს პარლამენტი. გაზ. „საქარ. რესპ.“ დამა



**თავმჯდომარე.** სიტყვა ეკუთვნის პარლამენტის წევრს ალექსანდრე თათიძეს.

**ალ. ლომთათიძე (ს.-დ.)** ბატონბო, მე მგონია, რომ ყველაფერი, რის თქმა შეიძლებოდა ამ შეკითხვის გარშემო და შესახებ, — უკვე ითქვა (ხმა: მეტიც!).

ყველა ფრაქციის წარმომადგენელი გამოვიდა აქ, ამ ტრიბუნაზე და განვითარა თავის ფრაქციის და აგრეთვე თავისი კერძო აზრი და სუბიექტიური შეხედულება. ამის შემდეგ ბატონ მაჩაბელს განცხადება შემოაქვს, რომ — ჩვენ საშუალება მოგვეცით პასუხი გაეცეთ ამა თუ იმ ორატორებსო. მე ეს უსაბუთოდ მივაჩნია (გაბაშვილი: „რასაკვირველია“) დიახ, რასაკვირველია მე მგონია, რომ რაც სიტყვები ჰქონდა ეროვნულ დემოკრატის ფრაქციას, იმ ორატორების პირით, რომელნიც გამოვიდნენ, შეეძლოთ ამოეწურნათ ყველა ეს და თუ ეს არ ისურვეს ეს არ არის ჩვენი ბრალი.

ჩვენ კი გვგონია ყველაფერი, რაც შეგეძლოთ თქვენ თქვენ სიტყვაში ამოწურეთ, და ლაპარაკის გაგრძელება, ეს იქნება, ასე ვსთქვათ, უბრალო დროს დაკარგვა.

ეს ერთი უმთავრესი ნიშეზი ნებას გვაძლევს შემოვიტანოთ წინადადება, რომ კამათი შესწყდეს.

**თავმჯდომარე** წინადადება არის შემოტანილი, რომ კამათი შესწყდეს. ვინ არის მომხრე ამ წინადადების? მაშასადამე კამათი გახლავთ შეწყვეტილი.

აქ გახლავთ ერთი ფორმულა შემოტანილი.

**ლომთათიძე.** ნება მიბოძეთ წავიკითხო. (კითხულობს) მოისმინა რა შეიძლება სოციალ-დემოკრატიულ ფრაქციისა შესახებ ტფილისის ზოგიერთ სომხურ გაზეთებში გაჩაღებულ აგიტაციისა და მთავრობის გმინპარტეზა ამ შეკითხვაზე, პარლამენტი აღნიშნავს, რომ ასეთი სრულიად ყალბ ცნობებზე დაყრდნობილი აგიტაცია ისახავს სასიკვდილო ლახვარი დასცეს საქართველოს დამოუკიდებლობას და მას დემოკრატიულ წყობილებას, სრულს იმედს გამოსთქვამს, რომ მთავრობა ჯეროვანი ყურადღებით მოეკიდება საფრთხეს და მთელი თავისი ძალდონით შეებრძოლება. (მათ, ვინც ორ მოძვე ერთა შორის სისხლის ღვრის გამომწვევ პოლიტიკას აწარმოებს; სრულ ნდობას უქუხადებს მთავრობას, აღუთქვამს მას თავის დახმარებას და გადადის მორიგ საკითხებზე.

**თავმჯდომარე.** კენჭს უყრა ამ ფორმულას, ვინ არის მომხრე? ვინ არის წინააღმდეგი? ფორმულა მიღებული გახლავთ.

კრებას ვხურავ.

კრება იხურება საღამოს 11 ს. და 10 წუთზე: